

B. N. C.  
FIRLNZE  
1102  
20




1102 20









A

1102.20



100

EXPECTANTIÆ  
PERSONALES, VITALITIÆ,  
GENERATIONALES

ET 1742

HÆREDITARIÆ

*Pro Quibusdam*

DIGNITATIBUS ET OFFICIIS  
AUSTRIACÆ  
MONARCHIÆ

*Ad*


Perennem Fundum & Ufu-  
fructum Reducendæ.

ANNO DOMINI M. DCC. XII.



TYRNAVIÆ,  
Typis Academicis, per Joannem Henricum  
Geich,

1102.20






# ELENCHUS TRACTATUM.

- I. De Notandis.
- II. De Classibus.
- III. De Diplommatibus.
- IV. Institutionibus.
- V. De Summis depositandis.
- VI. De Juribus Contrahentium.
- VII. De Observationibus contractuum.





# SACRA CÆSAREA ET REGIA MAJESTAS

Ex quadruplici causa, Projectum hoc Vestræ S. C. R.  
Majestati humillimè offertur.

I.



St, ut per summas depositandas, Monarchiæ suæ Austriacæ respi-  
ret Aërium.

II. Ut absquē Regiæ & Archiducalis jurisdictionis, in Di-  
gnitatibus & Officiis conferendis læsione, nunc & in futurum pro  
suis Augustis Successoribus, perennalis fundus, ac utilitas  
prodeat.

III. Ut per harum Dignitatum ac Officiorum expectantias,  
omnis spes æmulos suppressendi, ambientibus factionariis, & suum quandoque Mini-  
sterium Aulicum lacerantibus adimatur.

IV. Ut inter plures concurrentes, & media habentes, pro expectantiis hisce  
acquirendis, capaciores absquē ullo respectu eligantur: & horum acquirentium hære-  
des ac successores, si per ætatem fuerint incapaces, ad studia prosequenda, & ad ne-  
cessariam praxim acquirendam, jam certi de utilitate, animentur. Quod ex sequenti-  
bus tractatibus liquet.

## TRACTATUS I. *De Notandis.*

I.

Notandum nullo modo proponi, ut omnes Dignitates & Officia Austriacæ Monar-  
chiæ, in expectantias reducantur; sed illas & illa dumtaxat, quæ absquē jurium  
municipalium violatione, aut læsione, legaliter poterunt reduci.

A 3.

II. Ia-

A 2

II.

Inviolatè conservari approbatas consuetudines, Privilegia, ac jura Regnorum & Provinciarum: Statuum & Ordinum: Domuum Provincialium: Dicasteriorum quorumcumque: Civitatum atque Magistratuum: atque Tribunalium: Instantiarum, & Cætarum, quibus eadem Regna & Provinciæ actu fruuntur, in electione, collatione, præsentatione, ac denominatione pro Dignitatibus & Officiis conferendis, acceptandis, approbandis, vel per legalem consensum admittendis.

III.

Nè gratia Principis in remuneratione extinguatur: Nè benemeritis & pecuniâ exhaustis, præmiorum ac promotionis via occludatur; & nè omnes per ætatem incapaces simul in Dicasteria subintrent, quinta vel sexta pars Dignitatum & Officiorum per Dicasterium delegatum, in expectantias reducibilium, ad benignam Suae S. C. R. Majestatis dispositionem, pro tempore semper servanda censeatur; ita quod de illa quinta vel sexta parte reservata, nullæ capitales summae exigantur, nisi Princeps aliter mandaverit.

IV.

In expectantiam sub hoc Projecto non transeunt Dignitates, & Officia quæcumque sint Aulo-Politica, quæ actuale ac personale obsequium Cæsareum, Regium & Archiducale, cum utilitate vel cum honore pro tempore semper concernunt: nisi aliter pro benigno Principis regnantis arbitrio disponatur.

V.

Eò minus tum Statûs, tum intimæ conferentiæ, ubicumque in Regnis & Provinciis hæreditariis, comprehenduntur Consiliariatus.

VI.

Pro expectantiis nullum habent locum supremi Cancellariatus Regnorum ac Provinciarum hæreditarium: Cancellariatus, & Vice-Cancellariatus, eorundem substituti, tum in Aula, tum extrâ Aulam.

VII.

Præsidum & Vice-Præsidum Dignitates, tum in Bellicis, tum in Cameralibus Dicasteriis Monarchiæ, in expectantias non cadunt.

VIII.

Excelsorum Regiminum Locumtenentes, & eorundem Vice, ubicumque sint, expectantiis non gaudent.

IX.

Consules Civitatum, pro Consulatus expectantia intelliguntur exclusi: non verò pro aliis Dignitatibus & Officiis.

X.

Præfecti Judiciorum, & Judices, qui immediate ab excelsis Regiminibus & Cancellariis respectivè Regnorum & Provinciarum Monarchiæ, pro causarum civilium ac criminalium decisione dependent: vel mediatè pro earundem revisione ac appellatione ipsdem Excelsis Regiminibus, Cancellariis ac quibuscunque municipalibus supremis Dicasteriis subjiciuntur, expectantiarum favore frui non possunt.

XI.

Cætera quarumcumque Instantiarum Officia judiciaria, in quibus ab uno solum subjecto pura & simplex, absquè aliis curis sive Politicis, sive Militaribus, sive Æconomicis, Justitiæ administratio dependet, ab expectantiis penitus excluduntur.

XII. Om-



## XII.

Omnes & quæcumque militares Dignitates castrenses & earumdem Officia castrensia in expectantiam non transeunt, nisi personalem.

## XIII.

De dignitatibus militaribus prædianis, uti sunt supremi Capitanei generales, Generales, vel Vice-eorumdem, Commendantes, Capitanei Confiniorum, Arcium Præfecti militares, & omnes illi, qui in Prædianis & Confiniis, sub titulo Commendantium, & sub quocumque alio, militias nationales vel exteras, Arces & Fortalitia tempore Pacis etiam cum milite fixo & prædiano munita gubernant, non conceduntur, nisi personales expectantiæ. Quod pariter intelligendum est de Dignitatibus & Officiis Artilleriæ prædianæ, prout in tractatu de Classibus specificabitur.

## XIV.

Centuriones seu Capitanei liberarum Compagniarum, quæ per Status & Ordines Regnorum ac Provinciæ hæreditariarum, in numero & in salario sunt determinatæ & fixæ exolutæ: & earumdem subalterni Officiales, usque ad Vexilliferum inclusive, personali dumtaxat expectantiâ fruuntur.

## XV.

Cæteræ liberæ Compagniæ, quæ à Statibus non sunt exolutæ, sed à Cameris stipendia percipiunt, si fixæ sint stabilitæ, eadem expectantiâ personali fruuntur: si verò non, ex tunc excludantur.

## XVI.

Omnium & quorumcumque Referendariorum Dignitas & Officium ad alias expectantias, quàm ad personalem non admittitur.

## XVII.

Sic de Secretariis, & Notariis quibuscumque (ut in tractatu de Classibus dicitur) est intelligendum.

## XVIII.

Exclusio cæterarum Dignitatum & Officiorum in expectantias reducibilium, quæ in hoc tractatu de Notandis, non specificantur, ad delegandæ Commissionis, vel Dicasterij deputandi, remittuntur arbitrium.

## XIX.

Quatuor sunt expectantiæ, scilicet Personalis, Vitalitia, Generationalis, & Hæreditaria.

## XX.

Expectantia Personalis primum acquirentem actu capacem, in vita adhuc possidentis, dumtaxat concernit: & pro Dignitatis ac Officij exercitio, omnes successores & Hæredes, in vita & post mortem excludit.

## XXI.

Vitalitia expectantia primum acquirentem, illum scilicet, cujus nomine contrahitur, & unam successorem ejusdem lineæ generationem in utroque sexu inclusive concernit.

## XXII.

Generationalis expectantia primum acquirentem, & quatuor ejusdem lineæ, & utriusque sexus generationes successorias includit.

XXIII.

Hæreditaria expectantia , à primo acquirente , usquè ad ultimum , vel ultimum ejusdem lineæ perennaliter se extendit.

XXIV.

Pro qualibet , ex istis expectantia proportionaliter quædam summa capitalis est depositanda , ut in tractatu de summis dicitur.

XXV.

Notandum ultimò , quòd quamvis pro omnibus istis quatuor expectantiis , Dignitates & Officia , vel earumdem & eorumdem actuale exercitium in successores & hæredes vel Legatarios non transeat , tamen summa depositata pro ista vel illa expectantia acquirenda , juxtà primi acquirentis testamentariam dispositionem , in perennem successorum , hæredum ac Legatariorum transit stabilitatem & securitatem ; ità quòd nemo in futurum talem Dignitatem & Officium possit obtinere : nisi summa , quæ per familiam fuit depositata , primò restituatur.

## TRACTATUS II.

### *De Classibus.*

### CLASSIS I.

#### *De Aulicis Politicis ac Provincialibus Dignitatibus & Officiis.*

##### §. I.

**S**UB hac prima Classe continentur omnes Dignitates sæculares Aulicæ & Politicæ , quarum collatio ab arbitrio Suae S. C. R. Majestatis immediatè dependet : & quæ actuale ac personale Regium , sive Archiducale obsequium non exigunt. Hæc autem sunt pro exemplo , supremus Burgraviatus , supremus Capitaneatus , suprema Locumtenentia Politica , supremus Præfectoratus , Camerariatus , Marscallatus , similesque Dignitates respectivè Regnorum & Provinciarum hæreditariarum , sive Regiæ sive Archiducalæ , quæ in expectantiam Personalem aut Vitalitiam , aut Generationalem , aut Hæreditariam ( prout judicatum fuerit ) reduci posse censetur.

##### §. II.

Comprehenduntur Dignitates , quæ nomine Principis , & cum ejusdem salario , seu utilitate fixa , ad Regimen Regnorum , Provinciarum , Districtuum & Civitatum pertinent : uti sunt Deputatorum , Assessorum à Principe electorum & dependentium , Capitaneorum in districtibus , supremorum & eorum Vice-Judicum in Tabulis Regiis , consimiliumquè , qui in Regnis & Provinciis quandam habent super Nobilitatem & Populos directionem , ac delegatam à Principe jurisdictionem cum quodam fixo & annuo emolumento , vel per privilegia , vel per exemptiones , vel per utilitates , vel peralaria , pensiones , adjutas productio.

##### §. III.

Intelliguntur omnia illa Officia subalterna , quæ manutentionem ac conservationem Regiminis publici ( in quocumque genere ) Regnorum & Provinciarum , intrà Regna & Provincias concernunt : quæve cum salario , pensione , adjuta , aut cum utilitatibus , accidentiis & honore sunt collata : uti sunt Directoratus , Expeditoratus ,

Com-

Commissariatus, Secretariatus, & consimilia, ex omnibus respectivè Cancellariis extrahenda.

## CLASSIS II.

### *De Militaribus Dignitatibus & Officiis.*

#### §. I.

**I**ncludit Consiliarius Aulo-Bellicos, & quoscumque alios, in Regnis & Provinciis hæreditariis salario, pensione, adjuta, accidentiis, utilitate, fixâ, & honoribus fruentibus.

#### §. II.

**O**mnes Dignitates & Officia militaria, Prædiaria scilicet, & Artilleriam Prædiariam concernentia, quæ personali gaudent expectantiâ, uti in Tractatu de Notandis in Nott. XII. & sequentibus dictum est.

#### §. III.

**O**mnes Commissarii Bellici, Dicasteriis Bellicis, Cameralibus, vel à Commissariatu Generali Bellico dependentes, sive supremi, sive ordinarii, in Regnis, Provinciis, Districtibus, ac Civitatibus fixè commorantes: uti sunt in Bohemia, & in Hungaria plures: in Moravia, in Transylvania, Budæ, Posonij & alibi, huic Classi subji-ciuntur.

#### §. IV.

**Q**ui extrâ castrensis Regimina, nomine Principis, Dicasterij Bellici, Capitanei Generalis, vel Generalis, Gubernatoris, vel Commendantis, aut cujuscumque alterius instantiæ Provincialis, ad Jus pertinet militare, Auditorum, sive Judicum militarium, suprà militiam exteram ac Nationalem, & super Nobiles, Provinciales, Cives, ac Plebeos, quomodocumque, & fixè in præsidii, officio funguntur, iidem cum suis Assessoribus & Officialibus subalternis, pariter includuntur.

#### §. V.

**A**rchitecti militares Civiles & pro Regnis, Provinciis, Districtibus, Civitatibus, ac Fortalitiis, cum fixo salario, pensione, adjuta, accidentiis, sive utilitate constituti, competentis expectantiæ habent libertatem.

#### §. VI.

**Æ**dificiorum militarium Magistri, Belli scribæ, & hujus generis subalterna militaria Officia, per Cameralia Dicasteria, vel eorundem nomine, per Status & Ordines, per Districtus & Civitates, fixa stipendia, & fixè in præsidii aut fortalitiis promerentia, in expectantias transire valent.

## CLASSIS III.

### *De Cameralibus Dignitatibus & Officiis.*

#### §. I.

**E**xpectantiis frui possunt omnes Excellæ Cameræ Aulicæ, cæterarumquæ Camera-rum, ditionis Regiæ & Archiducalis, Consiliarius, qui fixi salarij, pensionis, adjutæ, utilitatis, accidentiæ, vel honoris beneficio gaudent.

#### §. II. Bur.



XXIII.

Hæreditaria expectantia, à primo acquirente, usque ad ultimum, vel ultimum ejusdem lineæ perennaliter se extendit.

XXIV.

Pro qualibet, ex istis expectantia proportionaliter quædam summa capitalis est depositanda, ut in tractatu de summis dicitur.

XXV.

Notandum ultimò, quòd quamvis pro omnibus istis quatuor expectantiis, Dignitates & Officia, vel earundem æorundem actuale exercitium in successores & hæredes vel Legatarios non transeat, tamen summa depositata pro ista vel illa expectantia acquirenda, juxta primi acquirentis testamentariam dispositionem, in perennem successorum, hæredum ac Legatariorum transit stabilitatem & securitatem; ita quod nemo in futurum talem Dignitatem & Officium possit obtinere: nisi summa, quæ per familiam fuit depositata, primò restituatur.

## TRACTATUS II.

### *De Classibus.*

### CLASSIS I.

#### *De Aulicis Politicis ac Provincialibus Dignitatibus & Officiis.*

##### §. I.

**S**ub hac prima Classe continentur omnes Dignitates sæculares Aulicæ & Politicæ, quarum collatio ab arbitrio Sux S. C. R. Majestatis immediatè dependet: & quæ actuale ac personale Regium, sive Archiducale obsequium non exigunt. Hæc autem sunt pro exemplo, supremus Burgraviatus, supremus Capitaneatus, suprema Locumtenentia Politica, supremus Præfectoratus, Camerariatus, Marschallatus, similesque Dignitates respectivè Regnorum & Provincialium hæreditariarum, sive Regiæ sive Archiducalæ, quæ in expectantiam Personalem aut Vitalitiam, aut Generationalem, aut Hæreditariam (prout judicatum fuerit) reduci posse censetur.

##### §. II.

Comprehenduntur Dignitates, quæ nomine Principis, & cum ejusdem salario, seu utilitate fixa, ad Regimen Regnorum, Provincialium, Districtuum & Civitatum pertinent: uti sunt Deputatorum, Assessorum à Principe electorum & dependentium, Capitaneorum in districtibus, supremorum & eorum Vice-Judicum in Tabulis Regiis, consimiliumquè, qui in Regnis & Provinciis quandam habent super Nobilitatem & Populos directionem, ac delegatam à Principe jurisdictionem cum quodam fixo & annuo emolumento, vel per privilegia, vel per exemptiones, vel per utilitates, vel per salaria, pensiones, adjutas productio.

##### §. III.

Intelliguntur omnia illa Officia subalterna, quæ manutentionem ac conservationem Regiminis publici (in quocumque genere) Regnorum & Provincialium, intra Regna & Provincias concernunt: quæ cum salario, pensione, adjuta, aut cum utilitatibus, accidentiis & honore sunt collata: uti sunt Directoratus, Expeditoratus,

Com-

Commissariatus, Secretariatus, & consimilia, ex omnibus respectivè Cancellariis extrahenda.

## CLASSIS II.

### *De Militaribus Dignitatibus & Officiis.*

#### §. I.

**I**ncludit Consiliariatus Aulo-Bellicos, & quoscumque alios, in Regnis & Provinciis hæreditariis salario, pensione, adjuta, accidentiis, utilitate, fixâ, & honore fruentibus.

#### §. II.

Omnes Dignitates & Officia militaria, Præsidaria scilicet, & Artilleriam Præsidariam concernentia, quæ personali gaudent expectantiâ, uti in Tractatu de Notandis in Nott. XII. & sequentibus dictum est.

#### §. III.

Omnes Commissarii Bellici, Dicasteriis Bellicis, Cameralibus, vel à Commissariatu Generali Bellico dependentes, sive supremi, sive ordinarii, in Regnis, Provinciis, Districtibus, ac Civitatibus fixè commorantes: uti sunt in Bohemia, & in Hungaria plures: in Moravia, in Transylvania, Budæ, Posonij & alibi, huic Classi subjiciuntur.

#### §. IV.

Qui extrâ castrensis Regimina, nomine Principis, Dicasterij Bellici, Capitanei Generalis, vel Generalis, Gubernatoris, vel Commendantis, aut cujuscumque alterius instantiæ Provincialis, ad Jus pertinet militare, Auditorum, sive Judicum militarium, suprâ militiam exteram ac Nationalem, & super Nobiles, Provinciales, Cives, ac Plebeos, quomodocumque, & fixè in præsiidiis, officio funguntur, iidem cum suis Assessoribus & Officialibus subalternis, pariter includuntur.

#### §. V.

Architecti militares Civiles & pro Regnis, Provinciis, Districtibus; Civitatibus, ac Fortalitiis, cum fixo salario, pensione, adjuta, accidentiis, sive utilitate constituti, competentis expectantiæ habent libertatem.

#### §. VI.

Ædificiorum militarium Magistri, Belli scribæ, & hujus generis subalterna militaria Officia, per Cameralia Dicasteria, vel eorundem nomine, per Status & Ordines, per Districtus & Civitates, fixa stipendia, & fixè in præsiidiis aut fortalitiis promerentia, in expectantias transire valent.

## CLASSIS III.

### *De Cameralibus Dignitatibus & Officiis.*

#### §. I.

**E**xpectantiis frui possunt omnes Excellæ Cameræ Aulicæ, cæterarumquè Camerarum, ditionis Regiæ & Archiducalis, Consiliariatus, qui fixi salarij, pensionis, adjutæ, utilitatis, accidentiæ, vel honoris beneficio gaudent.

#### §. II. Bur.



§. II.

Burgravij Camerales , Administratores , & Capitanei Camerales Regnorum , Provinciarum , Districtuum , Civitatum & Dominorum Cameralium , quocumque nomine vocitati includuntur.

§. III.

Sic pariter est intelligendum de Thesaurariis sive solutoribus generalibus Bellicis , Cameralibus , Provincialibus , Dicafterialibus , & Civitatenfibus , ac omnium instantiarum quibuscumque alijs , qui pro personali Regio & Archiducali obsequio non sunt : & qui à Principe stipendia merentur. Sic etiam de subalternis eorundem Officialibus & Officiis quibuscumque.

§. IV.

Item Perceptores generales , Provinciales & Civitatenfes , Principis salario , pensione , adjuta , & quacumque alia utilitate cum suis subalternis fixè fruentes.

§. V.

His adjunguntur generales Annonæ Provisores Castrenses & Præsidarij : Collonelli , & Vice-Collonelli. Item Commissarij , vel Supremi præfecti , cum omnibus suis subalternis Officialibus , qui fixè in præfidiis morantur , cæterique omnes Annuarij Præfecti ac Commissarij , qui extrà præsidia commorantes , fixum & stipendiatum jus habent à Cameralibus Dicafteriis , Annonam per Regna & Provincias , emendi & colligendi.

§. VI.

Regnorum & Provinciarum hæreditariarum , & Civitatum omnes Supremi ac generales salium , & Podinarum Salinariorum Præfecti : Directores : Commissarij : Provisores. Inspectores : Camerarum Præfecti , Contrascrībæ , & omnes subalterni , qui in salinariis Officiis fixa salaria percipiunt , ad eorundem expectantias habilitantur.

§. VII.

Quod de Dignitatibus & Officiis Salinariis est dictum , hoc de omnibus metallorum & mineralium fodinis , idest de earundem Officialibus est observandum.

§. VIII.

Pariter iisdem gaudeant Provisores , Inspectores Camerales , sylvarum Magistri , Tricesimatores , Telonarij , omniumque horum & consimilium Cameralium Officiorum Contrascrībæ & subalterni , qui fixè à Cameris sunt exsoluti.

§. IX.

Tandem Omnes illi Officiales , qui à Cameralibus Dicafteriis , extrà Cancellarias salaria merentur. De his verò , qui in Cancellariis existunt , inferius erit sermo.


## CLASSIS IV.

### *De Judiciariis Dignitatibus & Officiis.*

§. I.

**S**upremi & Vice-Judicatus quocumque nomine vocitati , Tabularum & Curiarum Regiarum ac Archiducalium , pro quibuscumque Ordinibus sæcularibus vitalitè & à Principe arbitrariè collati , cujuslibet Regni & Provinciæ jura municipalia , libertates ac privilegia observando , clementissimo Suæ Sacræ Cæsareæ Regiæque Majestatis remittuntur arbitrio ; pro reductione in expectantias saltem personales.

§. II. Earum-



§. II.

Earumdem Tabularum ac Curiarum judicialium supremi Officialatus & Assessoratus, qui vitâ durante conferuntur, ad expectantias saltem personales possunt admitti.

§. III.

In Regnis & Provinciis, ubi tales supremi Officialatus & Assessoratus judiciales sunt annuales, biennales, triennales, & quinquennales, aut majori, sive minori termino præfiguntur: & in Suæ S. C. R. Majestatis arbitrio stat (praxi & consuetudine sic annuente) ut ad ulteriorem terminum possint prorogari ac confirmari, ex tunc tales Officialatus & Assessoratus personali expectantia frui posse censentur. Quod nullatenus intelligendum est de illis, qui vigore jurium municipalium aut consuetudinum universaliter approbatarum, post expiratum præfixum terminum, ad prorogationem seu confirmationem non habilitantur.

§. IV.

Capitaneatus & Præfectoratus judiciorum, quocumque nomine ac titulo in Regnis & Provinciis nuncupati, qui vitalitè sunt collati & vigore Dignitatis ac Officij, sedibus præfunt, vel vice-præfunt judiciariis (quæcumque sint) quamvis expectantiis frui non possint, ut in tract. de Notandis num. X. dictum est; tamen datâ actuali subjectorum capacitate, in personales expectantias dumtaxat transire posse videntur.

§. V.

Nec minor ratio habenda censetur de aliis Officialibus judiciariis, quibus jure competit, vel præsentibus iisdem Judiciorum Capitaneis præfectis in sedibus judiciariis quibuscumque sedere: vel absentibus illis, jus populo dicere: vel extra sedes judiciarias quascumque justitiam administrare; & ad executiones procedere.

§. VI.

Excelsorum Regiminum Consiliarius si vitalitij sunt, expectantiâ gaudent personali, & non ultrò, nisi Princeps dispensaverit.

§. VII.

Sic pariter intelligendum de omnibus Assessoribus Prætorianis, qui vel nomine Principis, vel Statuum & Ordinum, vel Excelsorum Regiminum, vel Civitatum in Judiciis sedent: dummodo hæc Officia à Principe arbitrariè conferantur.

§. VIII.

Nec minus dicendum de vitalitij Senatoribus Magistratuum, qui tum in civilibus, tum in criminalibus causis, judicandi, puniendi, mulctandi, & exequendi jus habent.

## CLASSIS V.

### *De Cancellariarum Dignitatibus & Officiis*

§. I.

**D**ignitates & Officia Cancellariarum, quæ à supremis, vel summis, vel magnis Regnorum ac Provinciarum Cancellariis, sive Vice-Cancellariis in Aula, vel extra Aulam immediatè pro collatione præsentantur, invitis ipsis in nullam transeant expectantiam.

§. II.

Præstito semel consensu in uno casu, exemplum ejusdem, pro aliis casibus in eadem Dignitate & Officio, non verò in alia, deducatur in consequentiam; dummodo

B

con-

concurrrens conditionibus & qualitatibus sit fretus. Exemplum verò unius Cancellariæ pro alia non valeat, quando jura & privilegia sunt diversa.

§. III.

Confiariatus & Referendarius Cancellariorum Aulicarum ad Regna & Provincias pertinentium (accedente consensu) personali dumtaxat expectantiâ fruantur, uti in Tract: de Notandis §. XVI. dictum fuit.

§. IV.

Earumdem Secretariatus, ubi dantur, aliâ expectantiâ, quàm personali, frui non possint.

§. V.

Sic de Directoribus, de Expeditoribus, Registratoribus, Taxatoribus, Librorum Conservatoribus, similibusquè Officialibus, juxta cujuslibet Cancellariæ ad hoc Regnum, vel ad illam Provinciam pertinentis, praxim ac consuetudinem, est censendum.

§. VI.

Cætera minora prædictarum Cancellariorum Officia, ne benemeritis, & in iisdem diù versatis, præmium aut promotio adimatur, pro expectantiæ personalis gratia, eorumdem fumorum, supremorum sive magnorum Cancellariorum judicio subijcienda censentur.

§. VII.

In cæteris quorumcumque Dicafteriorum Militarium, Cameralium, Judicialium, Provincialium, & Civitatenfium Cancellariis, Referendariatus, Secretariatus, Directoratus, Expeditoratus, unâ cum Registratorum, Taxatorum, Librorum Conservatorum, rationum Revisorum Officiis ad hanc classem pertinentibus, præviâ respectivè cujuslibet Dicafterij informatione, absquè tamen requisitione consensûs, in personalem dumtaxat expectantiam valeant pertransire.

§. VIII.

Cætera omnia Dicafterialium Cancellariorum publicarum ac privatarum Officia à Sua S. C. R. Majestare salariata, exceptis illis, de quibus in Tractatu de summis dicitur.

§. IX.

In Cancellariis ad S. Romanum Imperium pertinentibus nîl innovatur: nec ulla datur expectantia.

§. X.

Notarij Regij & Archiducalia usquè nunc per quamlibet instantiam creati electi, confirmati, & actu Notariatûs Officio fungentes: tum alij in futurum instituendi, ut in Tract: de Institutionibus & de summis fusiùs dicitur, personali, vitalitiâ, generationali ac hæreditariâ expectantiâ fruantur; servatis tamen conditionibus ob defectum ætatis & capacitatis: de quibus in iisdem tractatibus dissetur.

## TRACTATUS III.

### *De Diplomatis,*

§. I.

Cæsareo-Regia & Archiducalia Diplomata, ad hanc expectantiarum normam effectuantur, in primis tantæ molis præliminaribus dispositionibus necessariò requiruntur.

runtur. Cùm enim Austriaca Monarchia tot variis constet, & dirigatur Instantiis ac Dicasteriis, impossibile foret præoptatum sortiri effectum; si euilibet ex istis jus & facultas concederetur suas Dignitates & sua Officia in expectantias ad placitum reducendi. Nam quilibet in propria causa Judex constitueretur. Necessariò igitur Cæsareo-Regia & Archiducalis autoritas sese interponere debet: & per clementissima sua, ac inalterabilia Diplomata, difficultatibus obviare, agitandas fortè lites sopire, & pro expectantiis concurrentes præviè asscurare.

#### §. II.

Diploma primum requiritur pro Commissione vel Dicasterio neo-instituendo; & cum necessària autoritate proviso, in qua vel in quo non solum pro nunc Dignitatum & Officiorum expectantiæ possibiles ac practicabiles ventilentur, examinentur, ac resolvantur; verùm ut per eandem Commissionem vel idem Dicasterium, ad expectantias jam resolutas concurrentes admittantur; Officiisque ac Dignitatibus desideratis, prævià taxatæ summæ depositione provideantur. Hujus autem Commissionis seu Dicasterij necessarià Cancellarià provisi institutio immutabilis esse debet: & tamdiu duratura, quamdiu contrahentes pro expectantiis, vel contrahentium hæredes ad Dignitates & Officia jus suum sive personale, sive vitalitium, sive generationale, sive hæreditarium habebunt. Cæterùm suas summas depositandas gravissimo periculo exponerent: nulumquè futuris temporibus fixum pro litibus dirimendis recursum haberent. Ideò hæc immutabilitas in hac Comissionis seu Dicasterij Diplomatica institutione requiritur; ut id quod de factò resolvitur & contrahitur, in futurum manuteneatur.

#### §. III.

Diploma secundum exigit distinctam specificationem, ac immobilitatem Dignitatum & Officiorum, per decretum Commissionis seu Dicasterij neo-instituti, resolutorum & reducendorum in expectantias sive personales, sive vitalitias, sive generationales, sive hæreditarias. Nam nemo concurret pro hac vel illa Dignitate, pro hoc vel illo Officio, nisi de ejusdem immutabilitate sit certus. Cui Diplomati clausula necessariò est inferenda, quòd futuris temporibus Dignitates & Officia semel in expectantiam quamcumque reducta, nemo acquirere poterit, nisi cum prævià depositione summæ capitalis taxatæ: & quam semel primus acquirens depositavit.

#### §. IV.

Pro instituendis fundis securis respectivè & proportionaliter in quolibet Regno & Provincia hæreditaria, salariorum, pensionum, ac adjutarum fixarum, & competentium dignitatibus ac Officiis, quæ in expectantiam reducuntur, tertium Diploma requiritur. Hujus autem vigore, qui pro hac vel illa expectantia contrahere intendet, taliter debet esse securus, quòd salarium, pensio, ac adjuta competens dignitati & Officio, quâ vel quo pro tempore fruatur, per quamcumque instantiam nec ab illo fundo auferri, nec nisi ipso consentiente transferri possit (salvo criminis casu) De fundorum verò proportionem ac securitate fusiùs differetur in sequenti tractatu de Institutionibus circa finem.

#### §. V.

Cùm concurrentes pro expectantiis (quæcumque sint) summam capitale deponere debeant, & inde usquè ad dignitatum ac Officiorum vacantiam, vel per possidentis mortem, vel liberè renunciando, vel per promotionis casum subsequenter teneantur expectare; sic justum videtur, ut de eadem summa capitali depositata, annui usufructus concurrentibus & contrahentibus exsolvantur. Quapropter quartum Diploma emanari debet, pro immutabilibus ac securis eorundem usufructuum fundis proportion-

portionaliter ad dignitates & Officia per Regna & Provincias hæreditarias in expectantiam reducenda instituendis. Proportio autem institutionis pro annua summa usufructuum exsolvenda desumitur à determinatione annui usufructus conventi, & ab exactione summarum capitalium, quæ depositabuntur in illo Regno, vel in illa Provincia. Si enim usufructus erit conventus ad quinque per centum, & de dignitatibus ac Officiis in expectantiam in Austria reductis, exactio fiet ad unum millionem; sic consequenter annui usufructus fundus debet ascendere ad quinquaginta millia florenorum. De his pariter differetur in tractatu sequenti de Institutionibus.

§. VI.

Quintum Diploma emanandum, ac transmittendum censetur ad Regna & Provincias hæreditarias respectivè per Cancellarias, pro harum expectantiarum oblatione exhibenda: ut si quis ad eandem liberè Animum applicuerit, coram Commissione, vel Dicasterio, vel coram Commissariis nomine ejusdem deputatis, personaliter se insinuet.

§. VII.

Ultimò requiritur confirmatorium Diploma, post acta Commissionis, sive Dicasterij, cujus vigore pactata, conventa & stipulata, cum acceptione Statuum, Ordinum, Camerarum, Dicasteriorum, contrahentium, ac cæterorum, quibus incumbet, in suo robore & validitate permaneant.

## T R A C T A T U S V.

### *De Institutionibus.*

Institutiones hæc sumuntur pro Regulis ac directionibus ad Commissionem instituendam, & in praxim reducendas expectantias, necessariis.

## INSTITUTIONES COMMISSIONIS

*Sive*

## D I C A S T E R I J.

§. I.

**C**ommissionis, sive Dicasterij institutio pro Præside, virum patriarum & Monarchiæ Legum expertum & conscium: fidelitate pollentem: occupationibus deditum, & in nulla alia instantia (exceptâ intimâ conferentiâ) alligatum requirit.

§. II.

Vice-Præsides qualitatibus iisdem dotatus, necessariò illi est assignandus, pro casibus infirmitatis vel absentiae.

§. III.

Ex gremio Statuum & Ordinum cujuslibet Regni, & quarum libet Provinciarum Austriacæ Monarchiæ, in quibus expectantiarum fiet reductio, ad arbitrium Suae S. C. R. Majestatis, unus eligendus censetur, qui pro Politicis & Provincialibus dignitatibus ac Officiis, sive Ecclesiasticis, sive sæcularis, Consiliarij subeat Officium, donec expectantiæ sint stabilitæ. Hoc est ex omnibus Ordinibus simul, non ex quolibet ordine, unus.

§. IV. Ex

§. IV.

Ex Dicafterio Consilij Aulo-Bellici, pariter unus assideat : & ex Græcensi Dicafterio bellico alter.

§. V.

Ex Camera Aulica nomine proprio, cæterorumquæ Cameralium Dicafteriorum ex hoc vel illo gremio assumendi, tres adsint Consiliarij.

§. VI.

Pro quolibet excelfo Regimine & pro qualibet Tabula Regia Regnorum & Provinciarum, ad judiciarias dignitates unâ cum Officiis enucleandas, unus adsit Consiliarius.

§. VII.

Bis vel ter in septimana, prout Suæ Sacræ Cæsareæ Regiæquæ Majestati libuerit, ( demptis feriis ) semel in die Sessio habeatur.

§. VIII.

Qui jurati non sunt in hac Commiſſione sive Dicafterio, cujuscumque sphaeræ sunt, juramentum præstare teneantur, juxta formulam exhibendam.

§. IX.

Simul & semel Præses & Vice-Præses nunquam possint abesse : ambo tamen adesse.

§. X.

Ad Præsidis dispositionem stet frequentinas Sessiones habere : nunquam tamen determinatas minuere.

§. XI.

In ejusdem Præsidis sit arbitrio, illos ad Consilium pro tempore vocare & admittere, quos juxta expectantias tractandas pro hoc, vel illo Regno aut Provincia, aut Instantia judicaverit necessarios. Hoc est si de bellicis expectantiis tractetur, illos citare possit, qui pro bellicis sedent, vel cum bellicis necessariam habent connexionem. Sic etiam de aliis expectantiis, ne per Consiliarium multitudinem magna oriatur confusio.

§. XII.

Ex prædictis & præscriptis Consiliariis, nemo in Consilio sedere audeat, nisi per Præsidentem citatus & vocatus.

§. XIII.

Liberum sit Præsidi, vel Vice-Præsidi dum in capite sedebit, à Consiliariis ad Consilium citatis ac vocatis, opinionem exquirere, vel votum excerpere, juxta materias, quæ tractabuntur. Absquæ Consiliarium tamen consensu, post Suam Sacram C. R. Majestatem primò informatam resolvere, decidere, & expedire possit.

§. XIV.

Tantus Consiliarium numerus intelligitur adhibendus, donec dignitates & Officia reducibilia ad propositum finem reducantur. Cæterum successivis temporibus, ultrò Præsidentem & Vice-Præsidentem, duo vel tres Consiliarij videntur sufficere.

§. XV.

Consiliarij in aliis Dicafteriis salariati, novo salario frui non possint : opinio tamen est, ut aliqua adjuta vel pensio pro tempore ijsdem suppeditetur. Qui verò salaria non habent, justum est, ut provideantur.



§. XVI.

Tres Secretarii in aliis Dicasteriis nullatenus occupati, cum suis Concipistis & Amanuensibus videntur sufficere. Unus scilicet pro Corona Bohemica: alter pro Hungarica: tertius verò pro omnibus Provinciis hæreditariis. His autem unus aut alter rationum Magister addendus videtur.

§. XVII.

Nec sedendi, nec referendi jus habebunt Secretarii; sed dumtaxat concurrentium supplices libellos in actuali Commissione præsentandi & ad Instantias mittendi. Jus autem referendi penes unum Consiliarium à Præsidente nominandum stabit.

§. XVIII.

Quilibet Secretarius, Protocolista, & Librorum Conservator erit, pro illa Corona & expeditione, quæ ipsum concernet. Ad hunc effectum unusquisque Libros Regios & Archiducalis formabit de dignitatibus & Officiis, quæ reducentur: de salariis, pensionibus & adjutis fixis ac determinatis: de fundis, ubi assignantur: de usufructibus summarum capitalium: de accidentiis, ac utilitatibus fixis cuique dignitati & Officio provenientibus: inde de jurisdictionibus, honoribus, gradibus, exemptionibus, immunitatibus, & Libertatibus, hanc dignitatem vel hoc Officium concernentibus. De quibus suo tempore particularis erit instructio.

§. XIX.

*Regesta & Protocollis censentur formanda.*

*Exemplum.*

Corona Bohemica separatè habeat dignitates & Officia reducenda, quæ ad Burgraviatum Bohemica, ad Ducatum Silesia Superioris, inde inferioris, ad Marchionatum Moravia, & ad Burgraviatum Egra pertinent. Postea quarumlibet Provinciarum à Corona Bohemica dependentium, dignitates & Officia reducenda separentur, juxta classes in secundo Tractatu de Classibus adductas.

§. XX.

Resoluta per Commissionem expectantia hujus dignitatis aut Officij, pro illo vel altero concurrente, per Præsidentem Commissionis fiat rescriptum. Quo habito Secretarius illius Regni aut Provinciae Decretum extendat, & servatis servandis concurrenti extradat cum parvo Præsidis sigillo obsignatum.

§. XXI.

Concurrens, percepto Commissionis Decreto dignitatis vel officij, ad Cancellariam competentem se conferat, pro diplomate vel patentibus extrahendis, taxam consuetam solvendo. Si verò Cancellaria reluctari, vel longam protrahere moram voluerit: ex tunc Præses Commissionis, cum magno Sigillo & Suae S. C. R. Majestatis subscriptione expediat.

§. XXII.

Quatuor Notarii Regij & duo Archiducalis, qui sint Juristæ pro omnibus harum expectantiarum contractibus formandis, juxta formulam assignandam, & cuique Coronæ ac Provinciae competentem instituantur. Qui Notarii sua Regesta & Protocollis apud Commissionis Archivia semper conservabunt: uti in suis privatis instructionibus dicitur. Ex his duo erunt pro Corona Bohemica: duo pro Hungarica: & duo pro Provinciis hæreditariis.

§. XXIII.

Campfor unus constituatur suâ instructione edocendus.

§. XXIV. Com-

Commissio restricta ut in §. XIV. dictum est, tandiù stare debet, quamdiù summæ capitales apud Principem erunt. Ipsius autem circà expectantias erit Judicium.

## INSTITUTIONES CONSCRIPTIONIS.

### §. I.

**R**egis igitur & Archiducalibus Diplomatis emanatis, Commissio sive Dicasterium prædictum, vigore Authoritatis delegatæ & nomine Suæ Sacræ Cæsareæ Regiæ quæ Majestatis, benignum intimatorium Decretum emanare dignetur; ut omnes & quæcumque Cancellariæ publicæ ac privatæ nullâ exceptâ, Regnorum ac Provinciarum hæreditariorum, Dicasteriorum quorumcumque absquæ ulla exceptione: Tribunalium: Excellorum Regiminum: Statuum & Ordinum: Marescallatuum: Districtuum: Comitatum: Capitaneatum generalium, & eorundem Locumtenentium; nec non Capitaneatum subalternorum: Dominorum Regionum & Archiducalium, ac privatorum: Burgraviorum: Domuum Provincialium: Instantiarum: Prætoriorum, Magistratuum, Curiarum sæcularium, & Officiorum omnium publicorum ut vulgò dicitur *Umbt* tum in Aula tùm extrâ Aulam degentes ubicumque in omnibus Regnis ac Provinciis hæreditariis Suæ Sacræ Cæsareæ Majestatis, specificam, claram, ac distinctam seriem omnium dignitatum & Officiorum, pro reductione in expectantias inclusorum vel exclusorum, quarum vel quorum collatio respectivè sub uniuscujusque regimine, directione, ac gubernio, ab Altè memorata S. C. R. Majestate, ejusdemquæ clementissimo arbitrio immediatè dependet, intrâ terminum præfixum, & quidem in forma authentica ad manus Commissionis seu Dicasterij scriptotendus transmittere digeuntur.

### §. II.

Ut de quibuscumque dignitatibus & Officiis modo supradicto conscriptis, salaria fixa, pensiones adjunctæ, utilitates, emolumenta, privilegia, exemptiones, regalia, quarteria, & accidentias, quæ ab iisdem proveniunt pro tempore vel in perpetuum, in eadem serie distinctè conscribantur; ità quòd quælibet Cancellaria publica vel privata transmittat illud quantum fixum ex una parte, quod pro salariis, pensionibus, & adjunctis annualiter est exsolvendum: & ex altera parte illud quantum, quod cuilibet pariter dignitatem vel Officium actu possidenti, ab utilitatibus, emolumentis, privilegiis, exemptionibus, regaliis, quarteriis, & accidentiis, annualiter & fixè resultat.

### §. III.

Fundi omnes & quicumque, à quibus salaria, pensiones & adjunctæ fixè extrahuntur, & instantiæ, à quibus solutio percipitur, pariter specificentur: & separatè conscribantur ab illis fundis, seu contingentis, à quibus utilitates, emolumenta & accidentiæ proveniunt.

### §. IV.

Nomina & cognomina, cum loco Nationis & Patriæ actu possidentium dignitates & Officia, conscriptioni inferantur: & ubi quisque residet & servit, vel servire debet, specificetur.

### §. V.

Dignitates & Officia, quæ tempore conscriptionis vacabunt, scilicet à die institutionis Cæsareo-Regij ac Archiducalis Decreti per Commissionem sive Dicasterium emanati, usquæ ad transmissionem requisitæ conscriptionis, distinctè specificentur, vacan-

Vacantium autem dignitatum & Officiorum collatio, usque ad tempus stabiliti concursus, pro iisdem cum summa depositanda obtinendis suspendenda censetur.

§. VI.

Honores & gradus à dignitatibus & Officiis fixa salaria, pensiones, adjutas aut fixa quæcumque alia accidentia & utilitates merentibus provenientes conscriptioni subjaceant.

§. VII.

Dignitates & Officia ad titulum dumtaxat honorarium, cum Sessione, sive non apud instantiam, absque ullo salario, vel utilitate collata, in eadem serie cum honoribus, exemptionibus, privilegiis, ac gradibus, quibus actu fruuntur, & cum possidentium nominibus apponantur. Excipiuntur tamen tituli Nobilium Provincialium, & Regnicolarum, Equitum, Baronum, ac Comitum, qui per supremas Regnorum ac Provinciarum hæreditarium Cancellarias sunt collati, & conferuntur.

§. VIII.

Jus unum cum titulo, sub quo actu possidentur dignitates & Officia, scilicet pro vita durante, vel pro Filiis ac Filiabus, vel per duas aut tres generationes, vel hæreditarie inferatur. Et hoc non obstante specificetur, an unus alteri cesserit, vel ab eodem coemerit cum consensu, vel absque Principis scitu.

§. IX.

Expectantiam habentes quamcumque pro dignitatibus & Officiis cujusvis sint instantiæ, specificè conscribantur: & de literis patentibus, de contractibus initis, ac de Diplomatis, cum originalibus, vel per paria authentica, coram Commissione sive Dicasterio, tempore, quo transmittetur conscriptio, fidem faciant. Cæterum aliis concurrentibus conferatur expectantia.

§. X.

Si quis pro actuali dignitate & Officio, quod possidet & actu exercet vitam durante, apud Regia vel Archiducalia æraria, vel nomine Sux Cæsareæ Regiæque Majestatis, ejusdemque Dicasteriorum, apud propriam instantiam, summam pecuniariam, ut vulgò dicitur *Barleben*, depositavit, vel semel pro semper quid & quantum exsolverit, eandem summam cum conditionibus contractus specificare teneatur: & per Cancellariam suæ propriæ instantiæ, in forma authentica, ad Commissionem sive Dicasterium delegatum transmittere. Sermo tamen non est de muneribus privatis spontè oblati vel conventis.

§. XI.

Idem sentiendum est in hoc §. quod in præcedenti §. X. dictum fuit: scilicet, ut omnes illi, qui ad dignitates & Officia sæcularia, expectantiam actu habent quamcumque, apud propriæ Instantiæ Cancellariam insinuare se debeant: ibidemque summam pecuniariam, si depositarunt, cum conditionibus contractus producere. Ejusdem verò instantiæ Cancellaria ad Commissionem sive Dicasterium, acta transmittat.

§. XII.

Qui honorarias dumtaxat dignitates & Officia cum solo titulo acquisiverunt: & sub Classibus in secundo hujus Operis Tractatu allatis comprehenduntur: atque pro iisdem obtinendis summam pecuniariam, cum usufructu annuo nomine Principis percipiendo depositarunt, vel semel pro semper publicis ærariis exsolverunt, eandem pariter in propriæ instantiæ Cancellaria specificent: & per hanc in forma authentica, ut supra dictum est, transmittatur.

§. XIII. Si

§. XIII.

Si quis tempore conscriptionis coram propria Instantia, vel ejusdem Cancellaria personaliter (ubi fieri poterit) vel per Procuratorem non se insinuaverit & comparuerit, ut cum formalitatibus suprà allatis conscribatur, eodem præfixo conscriptionis termino expirato, ultrò non conscribatur. Actù verò possidens dignitatem vel officium, ab ejusdem exercitio suspendatur: honorarius autem, à gradu & honore, donec à Sua C. R. Majestate per Commissionem seu Dicafterium deponatur, vel iterùm habilitetur.

§. XIV.

Delegati ac demandati apud Cancellarias ac Instantias tum publicas tum privatas pro istis conscriptionibus absolvendis, Juramento conscripti stare teneantur, ubi literalia instrumenta (seclusà fraude) produci non poterunt. Ipsi verò conscriptores Juramento fidelitatis ergà Principem adstringantur: & si in crimine falsiprehenduntur, pœnis à jure ac statuto municipali inflictis subiaceant.

§. XV.

Taxa pro conscriptorum laboribus ac emolumentis respectivè in publicis ac privatis Cancellariis & instantiis exigenda, ad Commissionis sive Dicafterij arbitrium remittitur.

## INSTITUTIONES REDUCTIONIS:

§. I.

**N**ulla dignitas aut Officium in expectantiam, quæcumque sit, reduci poterit, cui jura & approbatæ consuetudines, privilegia, libertates, pactata, aut diplomata instantiarum contrariantur; nisi Suæ Sacræ C. R. Majestati, vel novas leges condere, vel prisca dispensare.

§. II.

Dignitates & Officia cujuslibet Regni aut Provinciæ: Dicafterij aut Instantiæ, in expectantias reduci non possunt; nisi ultrò Regium & Archiducale Diploma, per Decretum Commissionis sive Dicafterij de earumdem ac eorumdem numero fixo & perennali immutabilitate firmentur. Nam reducibilitas expectantiarum à determinato & immutabili numero Dignitatum & Officiorum in hoc Dicafterio, vel in illa instantia necessario dependet.

*Exemplum:*

Camera Aulica habet quinquaginta Consiliarios. Ex his, viginti quatuor fruuntur salario. Duodecim pensione vel adjuta fixa. Quatuordecim sunt honorarii cum solo titulo. Necesse est, ut Commissio, seu Dicafterium istas dignitates, vel quantas judicaverit, in numero in utilitate & immutabilitate sic stabiliat, quòd nullum inter concurrentes & summas pro expectantiis depositantes, dubium possit oriri.

§. III.

Stabilità ac confirmatà serie dignitatum & Officiorum ad prædictam securitatis normam reducibilium, nulla dignitas aut Officium in expectantiam transire poterit, nisi summa capitalis deponenda in perennem fundum & usufructum, in Tractatu de summis specificandum convertatur, & per Decretum Commissionis sive Dicafterij, cum evi-

§. IV.

Ab enumeratione Classium in Tractatu II. adducta: à conscriptione dignitatum & Officiorum, per Cancellarias & Instantias transmissa; & à summis pecuniariis, quas Regium & Archiducale Ærarium exigere & percipere sibi proponit, defumenda est numeralis proportio dignitatum & Officiorum, quæ in hoc vel in illo Regno: in hac vel illa Provincia debent reduci.

*Exemplum.*

Series Classis Cameralis adducta, & conscriptio Cancellariæ Cameralis Bohemicæ producunt ducentas dignitates & officia Cameralia illius Regni, sive illius Coronæ. Regia Majestas Bohemica, vel ipsius Regium Ærarium annualiter exsolvit pro salariis, pensionibus & adjutis illarum ducentarum dignitatum & officiorum Cameralium centum millia florenorum. Regia Majestas iterum pro quibuscumque centenis florenis annuis salarij, pensionis, vel adjutæ fixæ in hac expectantiarum reductione petit depositandam summam capitalem mille florenorum. Hac igitur servata proportionem, ex centum millibus florenorum annuorum prodibit summa capitalis unius millionis. Quapropter si Commissio vel Dicasterium hanc summam intendit exigere, omnes ducentas dignitates Camerale Bohemicas, in expectantiam debet reducere. Sin minus, servanda est proportio pro illo numero dignitatum, qui summæ desideratæ æqualebit.

§. V.

Plures dignitates & officia in hoc vel illo Regno, in una vel altera Provincia in expectantias reduci non debent, quam satisfacere possit, cum fundis salariorum, pensionum. adjutarum & usufructuum: nisi aliter provideatur.

§. VI.

Dignitates & officia, quæ semel in expectantias reducuntur: & pro iisdem per hanc vel illam personam aut Familiam, summæ capitales depositantur, gratis in futurum conferri non possunt.

*Exemplum.*

Titius acquisivit & exercuit expectantiam personalem Consiliariatus cum depositione summæ capitalis ad quindecim millia florenorum. Occumbente Titio, vacat idem Consiliariatus, pro quo Cajus concurret apud Principem, & apud instantiam, vel ex gratia vel ex meritis obtinendo. Ex tunc gratis conferri non potest, nisi Cajus in Officium succedens prædecessoris hæredibus summam exsolvat: aut saltem Princeps sive Instantia summam deponat. In quo casu Cui Successor gratis à Principe vel Instantia poterit obtinere, si Princeps aut Instantia, summæ depositatæ pro Cajo, liberè cesserint & renunciaverint.

§. VII.

Commissio seu Dicasterium neo-instituendum, inficiis Instantiis, Dignitates & Officia in expectantias reducere nequit. Instantiæ verò à die intimationis intra tres dies vel opponere, vel annuere scriptotenus teneantur. Cæterum ad reductionem Commissio procedat: salvis tamen illis dignitatibus & officiis, pro quibus specialis consensus Instantiarum requiritur, ut in Tractatu de Classibus Classi V. §. I. dictum fuit: & illis aliis quæ ab expectantiis penitus excluduntur, ut in Tract. de Notandis.

§. VIII.

Juxta ordinem expectantiarum desuper assignatum, scilicet Personalis, vitalitiæ, Generationalis, & hæreditariæ, per Commissionem sive Dicasterium, in iisdem dilucidandis

dandis procedi debere censetur. Hoc est ut primò à personalibus expectantiis distinctè in hoc Regno aut Provincia: in ista & illa instantia, indè ab aliis consequenter fiat resolutio & conscribatur enumeratio. Nam personales expectantiæ requirunt actu capacem.

§. IX.

Radix cognitionis pro reductione dignitatum & Officiorum in hanc vel illam expectantiam ab earundem & eorumdem qualitate desumitur.

*Exemplum I.*

Referendariatus requirit actu capacem, qui personaliter officio incumbat; ergò non potest transire in vitalitiam, nec in generationalem, nec in hæreditariam expectantiam; sed in personalem, quia concurrens solus supplere potest.

*Exemplum II.*

In Camera Aulica sunt triginta Consiliarij. Quandoque vix viginti sedent; ergò parum interest; ut quinque vel sex absint per ætatem incapaces. Igitur vitalicia vel generationalis potest dari expectantia.

*Exemplum III.*

Supremus Capitaneatus Carinthiæ collatus fuit titulo hæreditario huic vel alteri familiæ, ergò etiam alibi sic fieri potest. Quod si hæres incapax sit, Locumtenens supplere potest.

## INSTITUTIONES LIQUIDATIONIS.

§. I.

**E**xpectantiarum serie explanatâ ac statutâ: & pro quolibet Regno ac Provincia, nec non Dicasterio cujuslibet, distinctè in Regestis specificatâ, ad summas annuas salariorum, pensionum, & adjutarum fixarum, quibus hæc vel illa dignitas & officium in illo Regno, Provincia, ac dicasterio in expectantiam reductum, pro annuali indiget solutione, liquidandas, necessariò est procedendum.

*Exemplum.*

Archiducatus Austriæ habet trecentas dignitatum & officiorum expectantias, scilicet centum militares: sexaginta Camerales: Quadraginta Judiciarias: Quinquaginta Politicas: Vigintiquinque Aulicas: & viginti quinque Provinciales reductas, ac à Principe pro collatione dependentes.

Centum militares sunt, Consiliariatus pro exemplo 20. scilicet iste N. N. quorum quilibet habet fl. 1500. pro fixo Salario, &c.

igitur	fl. 30000.
--------	------------

Item 20. Arcium Præfedi, quorum unus habet fl. N. alter fl. N. annuatim, & sic omnes ascendant ad	fl. 60000.
---	------------

Item in Cancellaria propria Secretarios N. N. quorum quilibet habet fl. N. Concipistas N. Cancellistas. Item Directorem N. & sic de reliquis, qui omnes annuatim habent pro exemplo.	fl. 25000.
--	------------

Item in Artilleria præfidiaria habet talem dignitatem N. cum fl. N. Tale officium N. cum fl. N. &c, quæ omnia ascendunt in Salaris, sive in pensionibus vel adjutis pro exemplo ad	fl. 15000.
--	------------

C a

Summa 130000.

§. II.

Ordo pro militaribus expectantiis superius adductus, etiam pro aliis Dicasteriis observetur, scilicet pro eorumdem dignitatibus & officiis in expectantias reductis, & easdem per seriem Classium conscribendo. Indè in Regestis omnium expectantiarum, quæ pro Archiducatu Austriæ sunt statutz, ex salariis fixis ac particularibus hujus dignitatis vel officij, procedatur ad extractum summarum quodlibet Dicasterium concernentium.

	<i>Exemplum.</i>				
Centum Militares.	-	-	-	-	fl. 130000.
Sexaginta Camerales.	-	-	-	-	fl. 90000.
Quadraginta Judiciariæ.	-	-	-	-	fl. 50000.
Quinquaginta Politicæ.	-	-	-	-	fl. 150000.
Viginti quinque Aulicæ.	-	-	-	-	fl. 60000.
Viginti quinque Provinciales.	-	-	-	-	fl. 40000.
					<hr/> Summa fl. 520000.

Igitur Archiducatus Austriæ pro salariis, pensionibus ac adjutis fixis omnium dignitatum & officiorum, quæ in expectantias transiverunt, producit & exsolvit annualiter summam prædictam florenorum quinquies centum & viginti millium.

§. III.

Regestum consimile fiat, pro aliis Regnis & Provinciis hæreditariis separatim & distinctum.

§. IV.

Cùm dentur dignitates & officia, quæ pluribus fixis utilitatibus, emolumentis realibus, & determinatis accidentiis fruuntur, sic tales pariter sunt liquidandæ, ut ex earumdem liquidatione extrahantur summæ dicasteriales provenientes: & ex istis integra summa illius Regni aut Provinciæ, quæ sub titulo ( ut ajunt ) Accidentiæ permittitur, conceditur, vel erogatur illis, qui in actuali dignitate sunt & officio. Hæc liquidatio maximè est necessaria, quia pro radice proportionali inservire debet: Nam sicut pro quibuslibet centenis florenis annui salarij, pensionis, vel adjutæ fixæ quædam summa capitalis per concurrentes ad dignitates & officia, est depositanda; sic pro quibuslibet pariter centenis florenis fixarum utilitatum, realium emolumentorum, & determinatarum accidentiarum, alia summa capitalis, minor tamen quàm prima, debet per eosdem depositari. Quapropter pro istis liquidationibus separatim Regestum est formandum, vel prout placuerit, in Regesto salariorum inferi possunt.

§. V.

Sub nomine utilitatum, emolumentorum, & accidentiarum cadunt. I. Quarterium pro habitatione. II. Panis annonarius, vel locò ejusdem id, quod pro æquivalentia datur. III. Pannus. IV. Vina & segetes. V. Comestibilia quæcumque à Principe vel ejusdem nomine data. VI. Censui fixi vel per Cives, vel per rusticos, vel per quoscumque alios exsolvendi & huic dignitati aut officio assignati. VII. Ligna quæcumque. VIII. Agri, Vinetæ, Sylvæ, Prata, Pascuationes, & similia fixè pro dignitate & officio determinata. IX. Telonia quæcumque. X. Jus braxandi & vendendi Cerevisiam. XI. Jus vina educillandi. XII. Jus pecuniariè mulctandi. XIII. Jus macelli. XIV. Jus piscandi, saliendo, & sales vendendi. XV. Jus Officinas erigendi.

gendi, & inde consimilia emolumenta computantur, quæ à Principe vel à Ministerio sunt determinata.

§. VI.

Taxæ, quæ percipiuntur in Cancellariis quibuscumque, regalia, honoraria, & privata pro expeditionibus munera non computantur. Quamvis hæc omnia sint certa, illud plus vel minus semper est incertum; ideo præstat omittere.

§. VII.

Forma registrandi & liquidandi utilitates & emolumenta, hîc inferitur.

*Exemplum.*

Administrator N. ultrâ Salarium fixum habet pro quarterio.	fl. 300.
Pro jure proprii educilij.	fl. 150.
In Lignis.	fl. 50.
Pro tot agris Cameralibus ipsi ad usum concessis, fruitur.	fl. 100.
In pane vel in farina, vel in fegetibus habet.	fl. 150.
In pascuationibus.	fl. 100.
Pro tali utilitate N. & sic de reliquis.	fl. 15.

---

Summa fl. 865.

§. VIII.

Talis utilitatum, emolumentorum ac accidentiarum fixus proventus fiat, pro omnibus dignitatibus & officiis cujuslibet Dicasterij separatè, ut suprà dictum est de salarijs, cum extractis summarum. His additis, ut circa accidentias & utilitates, præfertim quodammodò incertas quoad illud quantum annuum, quamvis fixas, potius minus, quàm plus computetur.

*Exemplum,*

Centum Militares dant in utilitatibus, &c.	fl. 50000.
Sexaginta Camerale.	fl. 40000.
Quadragesima Judiciariæ.	fl. 15000.
Quinquagesima Politicæ.	fl. 20000.
Vigintiquinque Aulicæ.	fl. 30000.
Vigintiquinque Provinciales.	fl. 20000.

---

Summa fl. 170000.

§. IX.

## EXTRACTUM GENERALE.

*Salariorum. pro exemplo. Accidentiarum.*

*Archiducatus*

Austriæ.	fl. 520000.	fl. 170000.
Bohemia.	fl. 600000.	fl. 200000.
Hungaria.	fl. 500000.	fl. 150000.
Moravia.	fl. 100000.	fl. 40000.
Silesia.	fl. 150000.	fl. 45000.

Sic de reliquis

---

Summa fl. 1870000. Summa fl. 605000.



§. X.

In Regestis & Libris, in quibus liquidatae sunt primò summæ salariales : secundò summæ accidentiarum, addantur tertio distinctè per Dicasteria : per Regna & Provincias, series Jurisdictionum, honorum, graduum, exemptionum, privilegiorum, immunitatum, auctoritatum, ac libertatum, à dignitatibus & officiis in expectantiam reductis, cuique actu possidenti, convenientium, provenientium & collatarum : quævè in futurum possidentibus, scilicet pro expectantia contrahentibus, convenient, provenient, & conferentur.

*Exemplum.*

Capitaneatus generalis Styriæ fruitur.

I. Titulo N.

V. Honore & gradu N.

II. Exemptione N.

VI. Libertatibus N. N.

III. Auctoritate N.

VII. Jurisdictione N. &c.

IV. Privilegio N.

Sic censetur agendum de cæteris dignitatibus & officiis politicis & consequenter omnium aliorum Dicasteriorum, in quolibet Regno & Provincia, ut specificè sciatur id honorificum, quod ad hanc vel illam dignitatem, sive officium absque ulla cunctatione pertinet.

§. XI.

Liquidatis omnibus summis salariorum & accidentiarum, uti in §. IX. superius allatum est exemplum : & non solum pro quolibet Dicasterio distinctè ; verum pro quolibet Regno & Provincia, necessariò ad fundorum affecurationem, proportionem ac repartitionem, pro dignitatum & officiorum in expectantias reductorum, salariis exsolvendis, est procedendum. Hæc autem affecuratio sic stabiliri debet, ut perennaliter subsistat, prout in Tractat. de Diplomatis. §. IV. dictum est : & hoc non secus ac si Familia illa vel ista pro expectantiis summas taxatas deponens, bona immobilia, Allodialia, Avitica, Paterna, Materna, vel acquisita possideret. Quapropter Princeps terræ unà cum Statibus & Ordinibus suorum Regnorum & Provinciarum, ac cum suis Dicasteriis Cameralibus, convenire debet ; ut tales summæ cuique Regno & Provinciæ, pro salariis annuis exsolvendis, contingentes perennaliter & immutabiliter stabiliantur. Undè cum mutua ac reciproca contractus stipulatione, talis affecuratio, vel super Status, vel super (ut ajunt) *Bancos* erigendos fieri debet. Dicasteria verò Cameralia fundos æquivalentes ac perpetuos, sive Statibus sive *Banchis* assignare & resignare procul dubio deberent.

§. XII.

Tali suppositâ affecuratione, proportio fundorum sic est observanda, quòd unum Regnum aut Provincia, plus de salariis, pensionibus & adjutis affecurare & exsolvere non teneatur : quàm dignitatum & officiorum in eodem sive in eadem reductorum numerus exigit ac importat.

*Exemplum.*

In superiori §. IX. Silesia fuit liquidata in 150000. fl. pro exsolvendis salariis, &c. dignitatum & officiorum reductorum ad expectantias, in eodem Ducatu. Sic illa Provincia alias affecurationes in hoc casu præstare non tenebitur, quàm pro summa ipsi liquidata, juxta numerum dignitatum & officiorum suorum. Sic de reliquis Regnis ac Provinciis.

§. XII. Si

§. XIII.

Si nerò absquē fraude constabit, quòd unum Regnum aut Provincia summæ liqui-  
datæ supplere non possit, ex tunc consultum censetur, ut suprà fundos viciniore, pe-  
rennalis suppleatur asssecuratio.

§. XIV.

Post asssecurationem & proportionem cujuslibet Regni & Provinciæ, quodlibet &  
quælibet ex istis, per Consiliarios suorum Statuum & Ordinum, in Commissione seu  
Dicasterio delegando, repartitionem illius summæ contingentis per Dicasteria propria  
cum assignationibus immutabilibus facere debet.

*Exemplum.*

Silesia fuit liquidata in	-	-	-	fl. 150000.
Ex his Dicasterium politicum debet percipere.	-	-	-	fl. 40000.
Militare.	-	-	-	fl. 30000.
Aulicum.	-	-	-	fl. 30000.
Camerala.	-	-	-	fl. 25000.
Judiciarium.	-	-	-	fl. 25000.

Summa fl. 150000.

His addendum, quòd istæ repartitiones pro Dicasteriis, per Status & Ordines  
cujuslibet Regni & Provinciæ, post fundorum Cameralium realem perceptionem fieri  
debeant: & ut suprà dictum est, respectivè per suos Consiliarios præsentari, extradari  
& perennaliter cedi Commissioni delegatæ; quatenus hæc juxtà summas capitales, quas  
à concurrentibus pro tempore percipiet, privatas repartitiones, & assignationes pro Petro  
vel Paulo: pro hac vel illa familia, contractus solemniter stipulando, faciat & emanet:  
ut in Tractatu de Observationibus Contractuum dicetur.

§. XV.

Status & Ordines Regnorum ac Provinciarum cedendo repartitiones & assigna-  
tiones generales sibi contingentes: & alias extractas pro Dicasteriis, coram commissione  
& Commissioni, fundos quoquè manifestare & specificare teneantur. Commissio autem  
post eorundem oculatam revisionem, & cognitam asssecurationem, de iisdem pro fu-  
turo disponat.

§. XVI.

Jurisdictio sit & cura Commissionis, sive Dicasterij delegati, repartitiones facere,  
ac assignationes dare cuilibet in particulari pro hoc vel illo Dicasterio illius Regni aut  
Provinciæ, juxtà summas per unumquemlibet depositatas: & juxtà dignitatem sive  
officium, cujus quilibet habet expectantiam. Et hoc non obstante, quòd assignatio-  
nem percipiens & annuum salarium, pensionem, vel fixam adjutam exigens ab alia in-  
stantia dependeat. Nam si Cameralia Dicasteria Statibus & Ordinibus Regnorum &  
Provinciarum fundos cesserunt: Status verò & Ordines Commissioni, sic in ejusdem  
potestate jus repartitionis, assignationis, quin imò realis exsolutionis per suos subalternos  
Officiales, vel Solutores aut Campfores stare debet; ne summæ annuæ jure debitæ &  
assignatæ illis, qui pro expectantiis contraxerunt per Camerarum vel Statuum & Or-  
dinum dispositionem aliò distrahantur: & ne Creditores jure suo fraudentur.

§. XVII.

Cùm fundorum assignatorum collecta ad Status & Ordines pertinere videatur:  
tamen ne confusiones & damna, ob tarditatem longamquè temporis moram in colle-  
ctando

Quando oriantur : nevé per insanam quorundam cupiditatem , extrà assignationis terminos diù debeant expectare , vel injustas discretionés dare Creditores ; sic Justitiæ consonum est , ut Commissio sive Dicasterium in quolibet Regno & Provincia , ubi fundos ad jus expectantiarum pertinentes habebit , suum constituat Compofforem , qui in collectando per se & per suos semper assistat : & intempore collectare faciat . Cæterum ad executionem procedendi , ex mandato tamen Commissionis jus habeat . Compoffessor autem Thesaurarii simul & solutoris munus subire teneatur : & perceptis à Statibus & Ordinibus summis respectivè ab illo vel altero fundo extractis , juxtà Commissionis ( secluso quocumque alio cujuslibet Dicasterij aut instantiæ mandato , extrà Commissionem publicè vel privatè emanato ) mandata , ordines , dispositiones & assignationes , absquè fraude & dolo , summas Creditoribus distribuat & exsolvat . Pro quo iisdem compoffessores Juramentum coram Commissione præstare teneantur .

#### §. XVIII.

Prouti superiùs in §. XIV. hujus Tractatus de Liquidationibus , adductum est exemplum cujuslibet Dicasterij pro quolibet Regno aut Provincia ; sic pariter observandum censetur : ut in Regesto cujuslibet Dicasterij , personæ cum dignitatibus ac officiis , eorumdemquè fixis salariis , pensionibus , & adjutis distinctè conscribantur & specificentur . Hoc verò ut sciatur & stabiliatur modus assignationum fixarum pro Creditoribus , qui summas capitales depositarunt .

#### Exemplum.

Titius super fundum assignatum in Silesia pro dignitatibus & officiis Cameralibus in expectantiam reductis , contraxit pro Consiliariatu N. & depositavit . fl. 15000.

Idem Titius pro expectantia dumtaxat personali convenit : ut vacante Officio Consiliariatus N. & ipso subintrante , pro quibuslibet 1000. fl. depositatis fl. 100. annuos in salario fixo percipiat : undè annuè sunt ipsi exsolvendi . - fl. 1500.

Igitur ex fundo Camerali Silesiæ , qui ad fl. 25000. est determinatus , Titius assignatur pro fl. 1500. de reliquis in eodem Dicasterio , & in aliis ejusdem Provinciæ , juxtà initi contractûs conditiones , pro expectantiis aliis , quæ minus , quàm centum florenos annuos , ex mille fructificant .

#### §. XIX.

Tales autem assignationes Salariorum , pensionum & adjutarum fixarum , ad proportionem fl. 100. annuorum pro quibuslibet mille depositatis , intelliguntur pro illis dumtaxat , qui actu exercent officium , sive personali , sive vitalitio , sive generationali , sive hæreditario dignitatis ac officii jure fruuntur . Si verò actu non exercent , vel exercere nequeunt , tùm ob sexûs , tum ob ætatis incapacitatem datam in illa persona , quæ in jus expectantiæ paternæ aut maternæ succedit , tunc usquè ad ætatem capacem puer , & ad ætatem nubilem femina , donec capacem ducat , ex illo annuo salario fixo , pensione , vel adjuta , sex per centum annuè , vel prout placuerit septem , juxtà summam per se , vel per tutores , vel per Parentes , vel per Avos , vel per quoscumque alios , quorum legitimus sit hæres aut Successor depositatam percipiet . Residuum autem illius fixi salarii pensionis , vel adjutæ in arbitrio Principis stabit , ut detur alteri , qui in officio aut dignitate supplebit : vel si nulla supplendi necessitas erit , ut pro tempore ad publicum Ærarium deveniat . Hoc tamen intelligendum de illis dignitatibus & officiis , in quibus Princeps terræ jus habet supplendi , non verò de illis aliis inferioribus , pro quibus contrahentes , vel succedentes , si incapaces fuerint exercendi , per se ,

se, vel per tutores suos, jus habent præsentandi capacem, ut usque ad capacitatem possit supplere, & suppleat.

*Exemplum.*

Titius contraxit pro vitalitia expectantia: Intravit in officium & per quinquennium exercuit. Obiit, & constituit hæredem tum summæ depositatæ ad fl. 10000. tum officij Cajum filium suum primogenitum, qui per ætatem incapax est. Cajus usque ad ætatem capacitatis & installationem in officium, non fruitur de salario paterno, nisi fl. 600. annuos. Quadringenti alij sunt applicandi, ut supra dictum est.

§. XX.

In Tract. de Diplomatus §. V. allegata fuit causa & modalitas fundos instituendi pro usufructibus annuis summarum capitalium percipiendis, donec dignitatis aut officij conventi, vel pro primo contrahente, vel pro ejusdem Successore, detur vacantia. Hic autem agitur, quomodo in Regestis separatis, Liquidationes eorumdem usufructuum sint inferendæ & conservandæ, tum pro tota Monarchia, tum pro quolibet Regno aut Provincia, tum pro quolibet Dicasterio, tum pro qualibet persona, quæ pro hac vel illa dignitate aut officio in expectantiam reducto, contraxit.

*Exemplum I.*

*Summa.*

Austriaca Monarchia pro expectantiis dignitatum & officiorum, cum onere usufructus annui exsolvendi percepit. floren. 10000000.

*Usufructus.*

Usufructus annuus est conventus ad 5. per centum, uti ex Regesto N. N. & contractu N. N. igitur fundus annuus ejusdem erit. fl. 500000.

*Exemplum II.*

De hac summa decem millionum, pro dignitatibus in Austria reductis, exacta est summa

In Bohemia exacta est summa ad	-	fl. 1500000.
In Hungaria.	-	fl. 3000000.
In Silesia.	-	fl. 3000000.
In Austria interiori.	-	fl. 1000000.
In Moravia.	-	fl. 500000.

Summa fl. 10000000.

Igitur annuus fundus usufructuum in Austria ascendet.

ad	-	fl. 75000.
Usufructus fundus.	fl. 150000.	
Fundus ejusdem.	fl. 150000.	
Fundus.	fl. 50000.	
Fundus.	fl. 50000.	
Fundus.	fl. 25000.	

Summa fl. 500000.

*Exemplum III.*

Ex summa fl. 500000. quæ Moraviam concernit, pro dignitatibus Politicis exacti sunt.

Pro Militaribus.	-	fl. 150000.
Pro Cameralibus.	-	fl. 200000.

Summa fl. 500000.

Usufructus ejusdem.

Dicasterij.	fl. 7500.
Usufructus.	fl. 7500.
Usufructus.	fl. 10000.

Summa fl. 25000.

Sic procedendum censetur cum Dicasteriis omnium Regnorum & Provinciarum juxta determinatum contingens; pro quibus Dicasteriis fundi usufructuum semper debent esse separati & in loco certo assignati.

*Exemplum IV,*

De summa fl. 150000. Dicafterij Poli- tici in Moravia, Cajus, qui habet ex- pectantiam pro Capitaneatu generali deposuit Anno N. Mense - - Die juxta contractum N. - - -	fl. 40000.	U usufructus annuus. erit. - - -	fl. 2000.
Titius pro expectantia dignitatis N. de posuit. - - -	fl. 30000.	U usufructus. annuus. - - -	fl. 1500.
Sempronius pro dignitate N. deposita- vit. - - -	fl. 20000.	U usufructus.	fl. 1000.
Silvia N. pro dignitate N. Nomine Fi- lij N. depositavit. - - -	fl. 15000.	U usufructus.	fl. 750.
Director Tabulæ Regiæ pro expectan- tia officij in Filio suo depositavit. - -	fl. 20000.	U usufructus.	fl. 1000.
N. pro expectantia Locumtenentiæ generalis depositavit. - - -	fl. 25000.	U usufructus.	fl. 1250.
Summa fl. 150000.	Summa fl. 7500.		

§. XXI.

Observandum est, quòd tamdiù summarum capitalium depositarum annuus durat usufructus, quamdiù contrahens in dignitatem vel officium non est installatus: & integro ejusdem fixo ac convento salario, pensione, vel adjuncta non fruatur. Quod si hisce fruatur, ex tunc cessat usufructus annuus, & publico Aerario applicatur. Idèd pro istis cessantibus usufructibus, uti pro diminutione salariorum, ut supra dictum est. §. XIX. Regesta particularia requiruntur.

*Exemplum.*

Cajus pro expectantia Capitaneatus Generalis depositavit fl. 40000. & percepit usufructum annuum fl. 2000. Mortuo possessore, ipse installatur. His actis Cajus vità ipsius durante percipit annuos fl. 4000. in fixo salario, cessantibus 2000. florenis usufructualibus. Ipso verò moriente, si hæres aut Successor est capax actu exercendi: aut si fæmina fuerit, ducet immediatè capacem, ex tunc præfatus hæres à die installationis nullatenus ultrò terminum præfixum differendæ, vità quoquè durante integro 4000. fl. annuorum fixo salario, ab aliis usufructibus ullis fruatur. A die verò obitus Parentum, vel juris possessorum illius expectantiæ, vel resignantium, vel vendentium, vel legantium, vel testamentum eamdem, usquè ad diem installationis, hæres aut Successor nil aliud percipiet, nisi quinque per centum pro rata temporis de summa depositata: & hæc summa ex fundo usufructuum desumetur. Interim tamen illud quantum fixi salarij vacantis pro intervallo temporis, juxta Commissionis vel Dicafterij delegati judicium præscribendi, ad publicum Aerarium deveniet. Si verò hæres aut Successor post obitum Caij capax non fuerit, usquè ad capacitatis tempus, ex salariorum fundo sex per centum annuis fruatur: & à die declaratæ capacitatis, usquè ad diem installationis realem, ex fundo usufructuum quinque per centum proportionaliter & dumtaxat habebit. De his fufius in sequentibus Tractatibus de Summis & de Juribus contrahentium differetur.

§. XXII.

Tandem si Cameralia Dicafteria, Statibus & Ordinibus Regnorum ac Provincia-  
rum Camerales fundos, tum pro fixis salariis, tum pro usufructibus annuis exsolvendis  
cedere

cedere in perpetuum rennerent: Aut si ipsimet Status & Ordines hoc perennale onus sibi assumere nollent: aut si talis fundus constituendi modalitas, longam pro imminetibus Monarchiæ necessitatibus, moram protraheret, sequens medius terminus posset observari, scilicet:

I. Ut Excella Camera Austriacæ, cæteraquæ Cameralia Dicasteria respectivè Regnorum ac Provinciarum Monarchiæ Austriacæ pro quanto cuicque Cameræ contingent (ut in Liquidationibus pro exemplo dictum est) ad exsolvenda fixa salaria & usufructus annuos pro expectantiis conventos; coram Commissione sive Dicasterio delegato, fundos securos & liquidiores, ut sunt salium, teloniorum, & similium insinuent & producant.

II. Ut fundi producti pro salariis & usufructibus exsolvendis, distinctè quoad annuos proventus liquidentur: & cum summis Cameralibus, vel cum summis, quæ ab expectantiis in primo reductionis principio provenient, ab omni anticipationum, assignationum, & hypothecarum onere liberentur.

III. Ut prædicti fundi quidem apud Cameralia Dicasteria permaneant: admissis tamen apud eosdem perpetuis compossessoribus, nomine illorum, qui pro expectantiis summas depositarunt.

IV. Ut Compossessorum electio fiat per illos, qui in quolibet Dicasterio cujuslibet Regni aut Provinciæ, pro iisdem expectantiis personalibus, aut pro vitalitiis, generationalibus ac hæreditariis jus habent; ita quod quodlibet Dicasterium suum habeat separatum Compossessorem, pro quanto illius fundi ipsi contingenti.

V. Quod non observatis conditionibus per Dicasteria Cameralia, Princeps terræ eosdem fundos vel Statibus & Ordinibus: vel Commissioni sive Dicasterio delegato cum onere exsolutionis, & evictionis tradat administrandos.

## I N S T I T U T I O N E S

*Notariorum Regionum & Archiducatum.*

**C**um pro administratione Justitiæ non modicum Notarij concurrant, utpotè qui per publica litteralia Instrumenta rei factum & causæ veritatem coram Magistratibus, Instantiis & Dicasteriis ostendunt; sic etiam tale officium aliquali indiget reflexione. Hæc verò potissimum habenda est super illos Notarios, qui juribus non incubuerunt: & eo magis jurium municipalium ignari, quamvis de iisdem quidam modicum blaterare sciant, favore hominum promoveantur: quodvè plus est populorum & dominiorum judiciis præficiuntur. Undè cum summa administratio Justitiæ apud Principem terræ jure stet, quamvis electio Notariorum ut plurimum ad instantias pertineat, merito Princeps terræ electos pro causis publicis ventilandis, & pro Justitia administranda noscere debet: & ad examen ac confirmationem officij trahere potest.

Harum igitur institutionum robur non consistit in abrogandis privilegiis & jurisdictionibus Instantiarum quarumcunque pro Notariorum denominatione, creatione ac electione, sed in examinandis & confirmandis per Commissionem seu Dicasterium delegatum, illis personis ac subjectis, quæ ad talia promoveantur officia. Indè ut tales examinati ac confirmati, qui fixa merentur salaria, ad instar aliorum officiorum in expectantias reductorum, summam capitalem quoquæ deponant: qui verò non merentur, annum summam Principi pendant, ut in Tractatu de Summis dicitur.

Privilegium igitur, & jus municipale sive consuetudinarium eligendi Notarios cuilibet Instantiæ permittitur: eosdem tamen multiplicare harum institutionum vigore,

D.

confu.

consultum censetur : & ex hac potissimum ratione , quòd in dominiis terrestribus jure gladij fruentibus intrà Regna & Provincias hæreditarias , quàm plurimi sub titulo Provisoriorum ac Præfectorum , jus populo dicant , qui nec Doctoratús Laureâ , nec primis Notariorum institutionibus sunt insigniti . Cùm autem hoc in grave Justitiæ damnum , & in Reipublicæ vertat detrimentum , necessariò Notarij censentur multiplicandi ; ut illi , qui tum in civilibus , tum in criminalibus , super Dominiorum terrestrium populos , judiciis præstunt , dignoscantur quidem tanquàm Provissores boni œconomi : & tanquàm Judices Legum expertes , ac officij capaces.

§. I.

Omnes & quicumque Notarij publici , & à quacumque Instantia Austriacæ Monarchiæ , Regnorum scilicet ac Provinciarum hæreditariarum subjecta , electi , creati ac confirmati , sive actu , sive non exerceant officium , coram Commissione sive Dicasterio delegando , vel coram Commissariis suo tempore deputandis , intrà terminum præfixum N. citati , sub ammissione officij aliisque pœnis arbitrariis sese insinuare & præsentare teneantur.

§. II.

De literalibus Instrumentis , Patentibus ac Diplomatis authenticè paratis , in loco ubi se insinuabunt , plenam fidem faciant & paria apud Commissionem seu Commissarios conserventur.

§. III.

Commissarij per Regna , Provincias , Circulos , Comitatus , Capitaneatus , ac districtus pro hoc munere distributi diligenter inquirent super sequentia puncta , eademquè exactè in Regesto specificent.

I. Nomen & cognomen ac Patriam cujusdam Notarij.

II. Cujus loci sit Notarius vel cujus districtus.

III. A quali instantia sit creatus , & cui juramentum deposuit.

IV. A qua actu dependeat.

V. A quibus vel à quo fuerit examinatus.

VI. Si summam capitalem pro officio depositaverit.

VII. Cui & quantam.

VIII. Quantum pro taxa persolverit.

IX. Si sit Notarius vitalitius , vel pro tempore.

X. Si sit pro tempore , an ad annum vel biennium , vel triennium , &c.

XI. An intrà tempus possit deponi ? A quo & ob quales causas ?

XII. An expirato tempore possit confirmari , & pro quanto ulteriori.

XIII. An habeat pro Filio aut Filiis expectantiam ? An sit hæreditarius pro familia ? Quo titulo acquisiverit ?

XIV. Quid habeat in fixo annuo salario , & à quo. Hoc autem sive sit vitalitius , sive pro tempore.

XV. Quid verò fixum habeat in accidentiis , sive emolumentis ?

XVI. Si nihil habet in fixo , ut producat vel deponat , quid juxta leges aut consuetudines Patriæ , percipit pro taxa emolumentorum & laborum suorum ? Hoc autem specificè , ut sciatur quantum annuum ipsi resultat de laboribus suis , dato casu quòd acquirat.

XVII. An de publicis Instrumentis , Protocolla propria conservet , vel instantiæ aut dominio resignet ?

XVIII. An

XVIII. An judicet & consultum teneat, ut in tali aut tali districtu N. in quo duo vel tres Notarij dantur (pro exemplo) duo vel tres alij adjungantur?

XIX. An velit se exponere & præsentare examini præscribendo?

XX. Tandem si examina cum approbatione subiverit, an ad officij expectantiam pro suis Successoribus, juxta normam præscribendam concurrere velit?

§. I V.

Commissarij Notariorum perceptas de interrogatorij responsiones, individualitee & specificè ad Commissionem in authentica forma transmittant: cum tali tamen observatione: ne unus Commissarius pro unius districtus, aut Provinciæ Notariis conscribendis & examinandis, in alterius districtu se immisceat.

§. V.

Commissio sive Dicafterium delegandum, hiscè perceptis ac revisis ad sequentia puncta resolvenda benignè procedat.

I. Pro numerica specificatione Notariorum, qui actu exercent, in quolibet Regno & Provincia.

II. Super numerum multiplicandum resolvat.

III. In quolibet Regno aut Provincia, numerum Notariorum vitalitiorum, à temporaneis secernat.

IV. Notarios sive vitalitios sive pro tempore institutos, & fixa salaria vigore officij habentes, ab aliis, qui de accidentalibus laboribus vivunt secernat.

V. Ut in specificatione numerica cujuslibet Regni aut Provinciæ, adjungatur distinctè quot Notarij possunt creari à Rege vel Archiduce: Quot ab excelso Regimine: quot ab illa vel altera Instantia, & quot actu sunt creati ab iisdem Instantiis.

VI. Formulam examinis circa capacitatem pro omnibus Notariis actualibus & pro neo-creandis ac instituendis, ad Commissarios suos subalternos delegatos transmittat.

VII. Omnibus Notariis Regnorum & Provinciarum, tempus examinis, approbationis & confirmationis per Principem indulgentiæ præscribat?

§. VI.

Formula supradicti examinis arbitrio Commissionis permittitur. Attamen inconsultum non foret de iisdem Notariis inquirere.

I. An sint personæ fide dignæ?

II. An de crimine falsi fuerint unquam accusati, suspecti, vel convicti?

III. Eosdem Notarios examinare, an Juribus præsertim municipalibus ex professo studuerint.

IV. An apud aliquod Dicafterium, Juristam, aut Causidicum, vel Cancellariam, aut Secretariam publicam sive privatam primò se exercuerint, & praxim acquisiverint?

V. Consultissimum foret, ut quilibet Notarius examinandus, super casum ipsi proponendum, unum, aut alterum litterale Instrumentum, ex tempore coram Commissione, vel Commissario conficeret ac formaret, ut ejusdem observaretur conceptus, & stilus Curie adverteretur.

VI. Cùm tres sint Classes Notariorum stabiliendorum, ut inferiùs dicitur: scilicet illorum, qui litteralia Instrumenta formando, authenticando, stipulando, & publicando ex industria quotidiana vivunt. Indè illorum, qui fixum tanquàm Notarij Civitatum, dominiorum &c. habent servitium: tertio illorum, qui ad agentias & sollicitationes volunt habitari; sic forma examinis unicuique Classi est præscribenda.

D 3

§. VII. Utrius-



§. VII.

Utriusque examinis serie absolutâ Notarij approbati confirmationem à Commis-  
sione percipere debeant: pro qua novam taxam, ut in Tractatu de Summis præscribentur, subire & exsolvere teneantur. Cæterum actu exercere non possint.

§. VIII.

Huic oneri pariter omnes alij Notarij, qui in Regnis & Provinciis hæreditarijs neo-instituentur & creabuntur, pariter erunt subiecti: & hoc non obstante taxa in suâ instantiæ Cancellaria, persolvenda.

§. IX.

Dicasteria & Instantiæ, quæ jus habent eligendi & creandi Notarios, sive sita duranti, sive pro tempore, in pacifico suarum jurisdictionum & privilegiorum maneat possessione. Attamen in futurum neminem creare aut eligere, ad aut officium exercendum admittere poterunt, nisi illi, qui eligendi & creandi sunt, primò à Commissione declarantur & approbentur Notarij: & per eandem habilitentur, ut ab instantiis sive fiat Civitates, sive Comitatus, sive districtus, sive Capitula, sive Capitaneatus, sive Tabulæ Regiæ, possint eligi ac creari in suos Notarios locales, vitalitios, ac pro tempore. Pro ista autem Notariatus declaratione ac approbatione: nec non pro habilitatione ad Notariatus officium in Civitatibus, Comitatibus, districtibus & similibus instantiis exercendum, taxam in Tract. de Summis præscribendas, toties quoties eligentur, confirmabuntur, vel installabuntur, Notarij persolvent.

§. X.

In omnibus Regnis ac Provinciis hæreditariis Suae Sacræ Cæsareæ Regiæquæ Majestatis: & in omnibus eorundem ac earundem dominiis terrestribus (quæcumque sint) Arcibus, Castris, Oppidis, Pagis, Civitatibus, prædiis, Sessionibus, ac Possessionibus sub quocumque titulo Præfecti, vel Provisoris, vel Capitanei, vel Inspectoris, vel fundi Scribæ, vel rationum Magistri, vel cujuscumque alterius nominis vocitati, nemo in futurum nec publica, aut in judiciis fide digna litteralia Instrumenta formare: nec subditis, Vassallis, Mancipiis sive Jobagionibus jus civile aut criminale dicere, aut ad executionem quamcumque procedere poterit, nisi primò per Commissionem Regius aut respectivè Archiducalis, aut Ducalis Notarius sit declaratus & approbatus. Ex istis autem declaratis & approbatis Notariis, Domini terrestres, ad jus dicendum, quemcumque libuerit, eligere poterunt. In quo casu & æconomi, & substituti Judicis officio fungiliberè valebit. Cæterum circa negotia publica vel æconomica, non verò circa Judicia versari teneatur.

§. XI.

Per Commissionem statuendum censetur, ut Notarij per ipsam declarandi & approbandi in duas Classes dividantur. Prima sit illorum Notariorum, qui absque fixo salario, sed ex quotidianis laborum suorum accidentiis vivunt. Secunda sit illorum, qui ad dominiorum terrestrium Præfecturatus &c. ut dictum est supra: & ad Civitatum, Comitatum &c. Notariatus, qui fixo fruuntur salario vel emolumento, pro tempore, suscipiendos volunt habilitari. Tertia Classis sit illorum, qui ad sollicitatorum & agentium officium, in causis privatis apud Instantias & Dicasteria quæcumque petunt promoveri, ut in subsequentibus §§. dicetur. Undè illi ex prima Classe, unam taxam pro declaratione ac approbatione Notariatus dumtaxat deponent. Secunda verò, taxam illam ordinariam declarationis ac approbationis: & inde aliam habilitationis persolvit. Tertia pariter taxam declarationis & approbationis Notariatus, inde habilitationis ad  
agca-

agentias & sollicitationes extradabit. Attamen si talis Sollicitator pro uno dumtaxat Dicasterio se determinaverit verbi gratiâ pro Camerali, ex tunc taxa sollicitationis erit ordinaria, si verò pro sollicitationibus apud omnia Dicasteria tum in Aula tum extrâ Aulam voluerit habitari, tunc extraordinariam taxam persolvat, ut inferiùs dicitur. Quapropter primæ Classis Notariis ad dominiorum terrestrium, Civitatum, Comitatum &c. Notariatus ascendere non licebit, nisi primò per Commissionem habilitentur. A dominiis verò & instantiis, aut à Dominis terrestribus vocati, omnes isti Notarij actus publicos Notariales liberè exercere poterunt, dummodò fixo non fruantur salario vel emolumento: & populo jura non dicant.

§. XII.

Ubi jura municipalia novam Notariorum prohibent creationem ultrâ eorundem numerum præfixum & statutum, nil innovetur, circâ tamen Notarios, qui ex quotidiana vivunt industria Pro Notariis verò dominiorum terrestrium, Civitatum, Capitaneatum &c. præcedentibus §§. standum esse censetur.

§. XIII.

Numerus Notariorum pro Regnis ac Provinciis, pro Instantiis, Magistratibus ac Dominiis terrestribus semel stabilitus ac determinatus, absq; scitu Commissionis, ejusdemquè Decreto, alterari non possit: nec per quancunque aliam instantiam immutari.

§. XIV.

Hujus numeri judicium pro quantitate Notariorum cuique Regno aut Provinciæ, aut Civitati assignanda, à Commissionem dependet. Cum enim ibidem ex omnibus Regnis & Provinciis, ac Dicasteriis sedeant Consiliarij, sic eorundem informationibus respectivè standum esse censetur.

§. XV.

Radix hujus proportionis & informationis adequatæ desumenda est.

I. Ab enumeratione dominiorum terrestrium, quæ sunt in illo Regno vel in illa Provincia. Pro exemplo: Silesia habet centum dominia cum jure gladij & cum judiciaria potestate. Igitur si nemo in dominiis jus potest dicere populo, nisi sit Notarius, centum Notarij requiruntur.

II. A numero Civitatum, Dominiorum & Oppidorum, quæ Dominis terrestribus non subjiciuntur, sed à Principe, vel ejusdem Dicasterio immediatè dependent.

III. A Dicasteriorum judiciariorum præsertim multiplicitate.

IV. A Legibus & consuetudinibus Patriis. In quibusdam enim Regnis & Provinciis, pro hoc vel illo actu publico & juridico, necessariò requiritur Notarius: in aliis verò per alium, qui Notarius non sit, potest suppleri.

§. XVI.

Ad Notariorum numerum multiplicandum, quatenus cum summis per eosdem depositandis, Regium & Archiducalè respiret ærarium, nemo in futurum in quovis Regno aut Provincia, causas privatas Clientum & præsertim litigantium tum apud Dicasteria quæcumque in Aula, tum apud alia extrâ Aulam; quin imò apud ullam instantiam poterit sollicitare, quin primò à Commissionem institutus sit Notarius. Ed minus absquè hac Notariatûs conditione, publica inter partes instrumenta pro transactione aut compositione formare sive stipulare, liberum erit. Si seces fecerint, nec audiantur apud Instantias, nec tales scripturæ fidem in Judicio habeant.

§. XVII. Hoc

§. XVII.

Hoc pariter intelligendum de sollicitatoribus expeditionum militarium pro Regiminibus, praesidiis & privatis personis quamvis Officialibus majoribus: dummodò Sollicitatores ipsorum domestici non sint, nec ex gremio militiae, vel tales, quibus vigore officij militaris sibi commissi, sollicitare incumbat, ut sunt *Quartier-Meister* &c. Sermo quippè est de illis sollicitatoribus, qui apud Aulam, vel extrà Aulam in Provinciis, & in Civitatibus hærent, & de sollicitationibus vivunt, vel cum iisdem proficiunt.

§. XVIII.

Quod de negotiis & expeditionibus rerum militarium, quoad sollicitatores dictum est, hoc utique pro sollicitationibus tum apud Camerales instantias, tum apud quascumque alias præscribitur: scilicet, ut nemo sollicitare possit, nisi Notariatûs officio insignitus.

§. XIX.

Ad Notariatum pro habilitatione sollicitationis obtinendum nil obest, ut quis in illo Dicastrio aut instantia, apud quas sollicitare intendit, officium quodcumque possideat. Nam Bellici, sive Cameralis Dicastrij Concipista aut Cancellista, aut quicumque alter liberè Notariatu insigniri poterit, ut ad sollicitationem in proprio Dicastrio habilitetur.

§. XX.

Notariis pro sollicitatione insignitis in uno Dicastrio, etiam apud alia Dicastria & apud quascumque instantias (dummodò sint capaces) sollicitare licitum erit.

§. XXI.

Qui Notariatu pro sollicitationibus insigniri petit, huic Regno vel huic Provinciae pro aggregatione se debet determinare, ut ex Regestis, Notariorum numerus pro hoc munere subeundo extrahi possit. Attamen Notarius sollicitator, & determinatus pro uno Dicastrio, potest agere in aliis prout placuerit: & aggregatus pro Hungaria potest etiam sollicitare in Bohemia, si hoc exegerit sollicitationis necessitas: & in habilitatione ad sollicitatoris officium in omnibus Regnis & Provinciis hæreditariis, ac in quibusvis Dicastriis exercendum, taxam extraordinariam persolverit, ut in §. XI. superius dictum est, & in Tractatu de Summis dicetur. Si verò quis ex Regno in Regnum, & ex una Provincia ad aliam transmigrare & sollicitatoris officium fixè exercere voluerit ex tunc cum Commissionis facultate, & Cancellariae illius Regni aut Provinciae, ad quam transmigrari intenditur, licentia, licitum sit.

§. XXII.

Luræ Doctoratûs per Universitates aut quomodò libet aliàs insigniti, si sollicitare & agere apud quæcumque Dicastria voluerint, ad Notariatum suscipiendum non obligentur. Attamen personaliter, vel per legitimum Procuratorem coram Commissione sive Commissario delegato, de Doctoratûs Laureæ originaliter aut saltem authenticè plenè constare faciat: & sollicitandi facultatem (solutâ primò taxâ præscriptâ) Decretaliter à Commissione vel Commissario delegato percipiat.

§. XXIII.

Qui cum patentibus litteris Cancelliarum, Universitatum, aut Instantiarum ad sollicitationes & agentias actuales sunt habilitati intrà Regna & Provincias hæreditarias, si Juris Doctores sunt (ut suprâ dictum est) ad Notariatum non compellantur. Cæteri verò omnes sint obligati. Omnes tamen tales agentes actuales & sollicitatores, intuitu taxæ apud suam instantiam jam exsolutæ, ad aliam non teneantur, nisi ad illam, quæ

quæ vel vigore Decretalis facultatis, vel vigore Notariatûs, vel vigore habilitationis ad sollicitandum in aliis Dicasteriis, apud Commissionem exigitur.

§. XXIV.

Nemo ad Notariatum promotus, vel quicumque sit, quomodolibet, pro sollicitationibus & agentis habilitatus, actu exercere possit, nisi primò vel ex post, ab Instantia & ab Instantiis, apud quam, vel apud quas sollicitatoris aut Agentis officium gerere intendit, admittatur, ibidemquè consuetudinariam ac legalem taxam persolvat, si jure persolvenda erit. Hæc autem admissio sollicitatorum & Agentium facienda solummodò intelligitur per illas Instantias, quæ actu jus suum Agentibus constituendis manutinent: non autem per alias, quæ unumquemque ad sollicitandum (nullâ habitâ personarum præscriptione) admiserunt & admittunt.

*Exemplum.*

Cajus ad Notariatum promotus, ad sollicitandum per omnia Dicasteria habilitatur. Cancellaria Hungarica cum habeat suos Agentes constitutos, illum admittere renuit pro sollicitatione. In tali casu invitâ Cancellariâ, Cajus apud eandem agere non potest. Licitum tamen erit, in aliis Dicasteriis, quæ fixos Agentes non habent. Jus verò habet, ut præstito consensu, agere possit. Attamen Cancellaria, quamvis Cajum respuat, vice illius alium Agentem sibi eligere vel constituere non poterit; quia eundem ex gremio Notariorum non assumat; nisi sit Juris Doctor Laureatus: & per Commissionem Notariatu insignitus, & ad sollicitandum habilitatus, etiam si Lauream actu possideat.

§. XXV.

Dictum fuit in Tract. de Classibus: & in §. X. Classis V. quod Notarij Regij & Archiducalibus tunc neo-instituendi expectantiâ personali, vitalitiâ, generationali ac hæreditariâ frui possint. Cùm autem exercitium Notariatûs in tribus præallegatis Classibus, necessariò actu capacem requirat; sic ad personalem dumtaxat, non verò ad alias expectantias reduci posse videtur. Pro quo sciendum est, quòd aliud sit exercere Notariatum: aliud verò sit habere jus ad Notariatum. Exercitium exigit personam capacem. Jus autem stat non solum apud personam, sed apud familiam, quæ personam capacem pro exercitio substituere potest.

*Exemplum.*

Sempronius depositat 100. fl. pro expectantiâ personali Notariatûs. Silvia verò depositat fl. 150. pro expectantiâ Notariatûs generationalis, vel nomine proprio, vel nomine filij sui Titij adhuc incapacis. In hoc casu Sempronius debet esse capax; quia contrahit pro exercitio officij: & indè hæc est Regula generalis, quòd personales expectantiæ semper actu capacem requirant. Silvia autem cùm sit incapax propter sexum, & cùm Titium filium incapacem habeat, pro jure generationali officij in sua familia stabiliendi contrahit; ità quòd pro actuali exercitio, ipsi liberum sit capacem nominare & coram Commissione præsentare, qui examinatus & approbatus absquè Notarialibus litteris, sed tanquàm illius Notariatûs jure generationali, tali familiæ collati substitutus, incapacium vices, exercendo potest semper supplere: & pro tempore, quo substitutus, cum Silvia, vel cum Titio filio, vel ejusdem Tutoribus conveniet. Conventio autem sic debet esse. Juris possessor Notariatûs & incapax exercendi, ad decennium nominat & præsentat in substitutum suum Cajum: cui tamen omnia emolumenta, quæ à Notariatûs exercitio ipsi provenient, annualiter cedit; dummodò Cajus Juris-Professori annum censum ad fl. 30. exsolvat. Quo tempore expirato, apud Juris-Profes-

Professorem stet, vel innovare contractum, vel alteri prouti libuerit, Notariatus exercitium usque ad capacitatis tempus permittere.

Alia desuper ratio est in hoc casu, quod in expectantiam habet personalem decedendo sive ante, sive post vacantiam officij, aliud jus non relinquere potest hæredibus & Successoribus suis, nisi summæ depositatæ pro Notariatu personali, quem expectabat; ita quod talis Notariatus personalis absque restitutione ejusdem summæ, alteri personæ aut familiæ conferri non possit, si hæredes & Successores concurrere nolunt. At qui expectantiâ fruitur generationali, decedendo non solum relinquit hæredibus & Successoribus suis jus in summam depositatam, sed etiam in officium, & in exercitium ejusdem. Quapropter datâ Incapacitate in primo acquirente, vel in Successore, necessario concedendus est substitutus, qui suppleat. Jus autem, quod ad generationalem expectantiam pertinere dicitur, vitalitiæ quoque & hæreditariæ convenire resolvitur.

§. XXVI.

Finaliter resolvendum censetur: ut omnes Austriacæ Monarchiæ Notariatus juxta tres Classes allegatas in expectantiam personalem, vitalitiam, generationalem ac hæreditariam modo suprascripto transire possint.

§. XXVII.

His addendum videtur tertiam Classem Notariorum dispensari posse, ut loco Notariatus, Agentium sive Sollicitatorum in Dicasteriis titulum ac officium assumat: dummodò coram Commissione præscribendum subeant examen: juramentum dependant: & summam Notariatus æquivalentem refundant. Plura de Notariis dicenda supersunt, quæ in sequentibus Tractatibus dilucidabuntur.}

## TRACTATUS V.

### *De Summis.*

Justitiæ consonum est, ut qui pro dignitatum & officiorum expectantiis, summas debent depositare, præscribendis regulis imbuantur: & de earumdem allocatione informantur. Quapropter in præsentî Tractatu de summis disserteretur, ut quisque sciat summam depositandam, pro dignitate & officio sibi placito & benevîso. Indè ut cum usufructuum emolumento, de summæ capitalis, & pereunnalis fundi securitate certificetur.

§. I.

**Q**Uicumque summam pecuniariam depositaverit pro expectantia sive personali, sive vitalitia, sive generationali, sive hæreditaria, etiamsi actuali possessori præmortuus fuerit, certificatur, quod talis dignitas aut officium absque restitutione ejusdem summæ depositatæ, vel majoris si poterit invenire, per Successorem facienda, nulli in perpetuum conferetur.

§. II.

Quoties summa capitalis deposita, ob concurrentium defectum, vel ob quamcumque aliam causam, ejusdem Domino tam citò refundi non poterit, semper annuo usufructu taxato, & per Principem terræ exsoluto fruetur: donec idem Dominus aliter contrahat, vel concurrens adit pro dignitate & officio.

§. III.

Radix proportionalis summæ depositandæ desumitur ex salariis, ex pensionibus, & ex adjutis fixis. Indè ab utilitatibus, emolumentis & ab accidentiis pariter fixis.

§. IV. In

§. IV.

In expectantiis personalibus, & vitalitiis, pro quibuslibet centenis florenis annuis salarij fixi, pensionis & adjunctæ fixæ, mille floreni sunt depositandi, quando salarium, pensio, vel adjuncta fixa sexcentos annuos florenos attingit. Excipiuntur tamen officia, quæ à florenis 150. usquæ ad 600. perveniunt: pro quibus alia radicalis assignatur proportio, ne minus divites ab officiis arceantur, ut in sequenti §. XII. clarè patebit.

§. V.

In expectantiis generationalibus, mille & ducenti depositandi pro quibuslibet centenis florenis annuis salarij &c.

§. VI.

In expectantiis hæreditariis, mille & quingenti, pro quibuslibet annuis centenis florenis salarij &c. uti dictum est suprâ in §. IV.

§. VII.

Exceptio, quæ fit pro quibusdam dignitatibus & officiis personaliter & vitalitiè expectandis, ad easdem etiam se extendit, si sub titulo generationali aut hæreditario contrahentur. Unde in istis casibus exceptis, duæ sunt observandæ proportionēs pro radice summæ depositandæ extrahenda. Una est ratione dignitatis aut officij, quod excipitur à Regula generali fl. 1000. pro quibuslibet centenis annuis salarij. Altera est ratione expectantiæ, si erit personalis & vitalitia, aut generationalis, aut hæreditaria.

*Exemplum.*

Capitaneatus generalis Silesiæ est dignitas excepta ab illa Regula, quæ mille florenos depositandos præscribit pro quibuslibet centenis fixi salarij: quia talis dignitas est taxata (ut inferius) ad mille quingentos pro centum annuis. Hæc autem est prima proportio radicalis, si contractus pro dignitate Capitaneatus sit personalis vel vitalitiis. Si verò concurrens voluerit generationaliter vel hæreditariè pro expectantia contrahere, ex tunc secundam radicalem proportionem servare debet; scilicet ut suprâ mille quingentos florenos, superaddat ducentos generationaliter contrahendo, ut sint 1700. & pro hæreditario jure quingentos, ut sint 2000. pro centum annuis fixi salarij. Igitur si Capitaneatus in fixo salario annuè habebit 3000. fl. pro expectantia personali & vitalitia, summam exigit fl. 45000. pro generationali fl. 51000. & pro hæreditaria fl. 90000. Hæc autem proportionēs cum aliis sequentibus, juxtà meam tenuem opinionem sic præscribuntur, cum tolerabiles & justæ mihi videntur. Cæterum altiori judicio & arbitrio easdem resigno.

§. VIII.

Dignitates & officia excepta à Regula generali pro summis depositandis, declarantur esse illæ & illa, quæ in Classis primæ §. I. II. ac III. ejusdem specificantur.

II. Quæ in Classis secundæ §. III. includuntur.

III. Quæ in Classis tertiæ §. II. & III. demptis subalternis. Indè in ejusdem Classis §. IV. V. & VI.

IV. Sic in Classis quintæ §. III. & V. Summa igitur harum dignitatum & officiorum depositanda, proportionibus in præcedenti exemplo adductis & declaratis subiacet.

§. IX.

In Tract. de Institutione bus liquidationis §. V. declaratum fuit, in quo consistat series utilitatum, emolumentorum & accidentiarum fixarum, quæ cuique dignitati ac officio possunt annexi: & in ejusdem tractatûs §. IV. dictum fuerat, quod pro iisdem

fixis accidentiis minor summa, quàm pro salariis, à concurrentibus & contrahentibus depositari debeat. Quapropter ab omnium quarumcumque dignitatum ac officiorum in expectantiam sive personalem, sive vitalitiam, sive generationalem, sive hæreditariam reductorum, accidentiis præscriptis, summa depositanda æqualiter erit quingentorum florenorum pro annuis centum, quæ ab iisdem fixis accidentiis proveniunt. Si enim hæc ad quingentos fl. ascendunt, ex bis mille & quingenti fl. debent depositari.

§. X.

Ad promovendum meritum Juventutis, quæ Cancellariis publicis ac privatis se exercet, ab istis Regulis generalibus tum salariorum, tum accidentiarum excipiuntur omnia illa officia, quæ cum salariis & accidentiis fixis centum & quinquaginta florenos annuos non excedunt: pro quibus officiis nullæ summæ sunt depositandæ; dummodò hæc officia ad Cancellarias immediatè sint pertinentia.

§. XI.

Hæc exceptione non gaudent illa officia quæ extrà Cancellarias centum & quinquaginta annuos fl. fructificant sive in salariis, sive in accidentiis fixis, uti sunt Tello-niatores &c. Nam in tali casu summa depositanda taxatur ad ducentos fl. pro quibuslibet centenis annuis.

§. XII.

Ad confusiones pro depositione summarum evitandas, sequens adducitur Tabula.

<i>Salarium Officij,</i>			<i>Quantum pro centum.</i>			<i>Summa depositanda.</i>		
fl.	-	150.	-	200.	p. C.	-	fl.	300.
fl.	-	200.	-	250.	p. C.	-	fl.	500.
fl.	-	250.	-	300.	p. C.	-	fl.	700.
fl.	-	300.	-	400.	p. C.	-	fl.	1200.
fl.	-	350.	-	500.	p. C.	-	fl.	1750.
fl.	-	400.	-	600.	p. C.	-	fl.	2400.
fl.	-	450.	-	700.	p. C.	-	fl.	3150.
fl.	-	500.	-	800.	p. C.	-	fl.	4000.
fl.	-	550.	-	900.	p. C.	-	fl.	4950.
fl.	-	600.	-	1000.	p. C.	-	fl.	6000.

Indè procedendum est juxta regulas superius datas, tum de dignitatibus exceptis: tum de contractu personali ac vitalicio, tum de generationali ac hæreditario: tum de accidentiis fixis, de quibus proportionaliter ad summam capitalem media pars semper depositatur. Undè hoc adducitur.

			<i>Exemplum I.</i>				
<b>Salarium.</b>	-	-	fl. 150.	<b>Depositum.</b>	-	-	fl. 300.
<b>Accidentia.</b>	-	-	fl. 150.	<b>Depositum.</b>	-	-	fl. 150.
			<i>Exemplum II.</i>				
<b>Salarium.</b>	-	-	fl. 400.	<b>Depositum.</b>	-	-	fl. 2400.
<b>Accidentia.</b>	-	-	fl. 200.	<b>Depositum.</b>	-	-	fl. 600.
			<i>Exemplum III.</i>				
<b>Salarium.</b>	-	-	fl. 600.	<b>Depositum.</b>	-	-	fl. 6000.
<b>Accidentium.</b>	-	-	fl. 300.	<b>Depositum.</b>	-	-	fl. 1500.
						Circu	

Circà

Circà fixas accidentias, & summas pro iisdem depositandas advertendum est, quòd nunquàm excedant quingentos florenos pro quibuslibet centenis annuis, quamvis summa capitalis pro salariis depositanda mille florenos excedat, & ad 1200. ascendat. Undè si expectantia hæreditarie collecta pro quibuslibet centum florenis salarii exigit fl. 1500. in deposito. Accidentiæ illius officij nunquam exigunt nisi 500. fl. depositandos pro quibuslibet centum perceptis de iisdem fixis accidentiis. Ratio est, quia summa capitalis salariorum debet modificari cum summa capitali accidentiarum.

§. XIII.

A Regula generali Tabulæ superius adductæ, in qua summæ præscribuntur depositandæ, excipiuntur omnes illæ dignitates & officia, quæ quamvis tenui fruuntur salario, magno tamen gaudent honore & emolumento. Undè Consiliariatus omnes, Directoratus, Expeditoratus, Taxatoratus, Secretariatus, consimilesquè dignitates honorem secum ferentes, gradum ad ulteriorem promotionem aperiunt, præsertim in Dicastriis & in Cancellariis etiam si trecentos dumtaxat habeant florenos in salario, mille semper pro quibuslibet centenis depositare tenentur. Qui verò minus, quàm trecentos habet ratione salarii, non verò pro titulo honoris, ut inferius dicitur, Tabulæ stet superiori. Exceptio enim superius facta à summa fl. 150. usquè ad summam fl. 550. in qua non exiguntur mille floreni pro centum, est dumtaxat pro officiis potiùs servilibus subalternis, quàm pro honorificis, primariis & graduatis.

§. XIV.

Edò minus hac exceptione gaudent omnes illæ dignitates Iudiciariæ, quæ in Tract. de Classibus §. III. IV. & subsequentibus usquè ad finem sunt recensitæ.

§. XV.

Cùm sæpè contingat titulos honorarios conferri Militares præsertim, Camerales, ac Judiciarios absquè salario vel accidentiis: & cùm de iisdem titulis in Cancellariis, ac Instantiis propriis taxa consveta exigatur, ut in Tract. IV. §. II. Institutionibus reductionis, in exemplo dictum est; iustum censetur, ut Princeps terræ, absquè Cancellariarum detrimento & concurrentis gravamine, aliquod emolumentum percipiat. Quapropter declaratur, quòd isti tituli honorarii, ut sunt Consiliariatùs Bellici, Cameralis, vel Regiminis, Capitanei, Vigiliarum Præfectùs extrà castrensia Regimina & Præsidia, in expectantiam transire possunt, dummodò summa præscripta depositetur. Expectantia autem hæc non erit sicut alia pro dignitate vel officio reali & actuali, quòd possidentis mortem, vel resignationem aut cessionem debeat expectare; sed concurrens pro hoc titulo honorario, immediatè contrahet, eodem decorabitur & fruetur usquè ad mortem. Undè radix proportionalis harum summarum depositandarum pro titulis & gradibus honorariis, desumitur à salariis, quibus tales dignitates honorariæ fruerentur, si actu essent reales: & indè à specie contractùs initi. Duplex verò est species contractùs. Una cum qua depositatur summa pro titulo honorario, absquè ullo usufructu & absquè ulla spe refusionis: & hæc summa est 200. fl. ad proportionem quorumlibet centenorum fl. salarii annui; idest duas exigit annatas depositandas. Si enim Consiliariatus honorarius in statu actuali haberet 1500. fl. pro titulo debent deponi. Iste autem contractus in favorem hæredis, aut Successoris, aut Legatarii reiterari non potest; nisi iterùm æqualis 3000. fl. summa, absquè usufructu & refusionis spe depositetur. Altera species contractùs est, quandò quis de summa depositanda, usufructum annuum à Principe ad quinque per centum percipere vult, quamdiù tali titulo fruatur: & prout libuerit, cum facultate & præemptione reiterandi contractum pro hærede sive Successore;



sive Legatario suo, solutis solvendis. Unde in hoc casu pro quibuslibet centenis florenis annui salarii, ac si titulus esset in esse reali, mille floreni debent depositari. Si enim Consiliarius habet in salario fixo fl. 1500. ex tunc fl. 15000. deponuntur, sed cum usufructu. Hoc tamen huic contractui perpetuum inditum & concessum est privilegium, jus scilicet præemptionis pro reiteratione in favorem hæredum, successorum & Legatariorum utriusque sexus, etiam cum hæreditaria expectantia: dummodò exsolvatur illud quantum determinandum in Tract: de Juribus contrahentium, & in Tract: de Observationibus contractuum, in quibus etiam de jure vendendi erit sermo.

§. XVI.

Tituli præfati honorarii taliter concedi possunt, quòd Regnorum ac Provinciarum Cancellarias, earumdemquè jurisdictiones in conferendis titulis, gradibus & honoribus Comitum, Baronum, Equitum ac Nobilium nullatenus lædant.

§. XVII.

Ne Cancellariæ, quæcumque sint, in titulorum honorariorum expectantis per Commissionem contrahendis aggraventur, vigore hujus §. declaratur, neminem pro iisdem posse contrahere, nisi primò cum sua instantia convenerit: & ad Commissionem testimoniales attulerit. Quibus examinatis, Commissio ad contractum procedat.

§. XVIII.

Cùm Notariorum officia juxta tres Classes assignatas in §. XI. de Institutionibus Notariorum, fixa salaria non habeant, nec fixas accidentias, sic summæ per eosdem depositandæ potiùs arbitrariè, quàm proportionaliter ad alia officia præscribendæ videntur. Unde

Prima Classis, si personaliter contrahit, ad 200. fl. taxatur. Si vitalitiè ad 300. si generationaliter ad 600. & si hæreditariè ad 1000. florenos.

Secunda Classis pro personali contractu ad fl. 300. pro vitalitio 450. pro generationali ad 900. & pro hæreditario ad 1500. fl.

Tertia Classis, quæ Sollicitatorum est, pro personali contractu, cum plena facultate agendi in omnibus Dicasteriis Regnorum & Provinciarum ad fl. 400. pro vitalitio ad fl. 600. pro generationali ad 1200. & pro hæreditario ad fl. 2000. taxatur. Qui verò pro uno solo Dicasterio petit habilitari, ex tunc taxam primæ Classis exsolvat. Si verò iterùm in altero Dicasterio agere vult, super præfatam summam semper 50. fl. superaddat. Et si iterùm in tertio, iterùm 50. fl. & si in quarto, iterùm 50. radicali proportionem, juxta naturam contractûs semper servatâ.

§. XIX.

Prouti dictum fuit in Tract: de Diplomatis §. IV. & V. & in Tract: de Institutionibus Liquidationis §. XI. & XX. summæ depositatæ, & super salariorum ac usufructuum fundos erunt assecuratæ.

§. XX.

A die depositatæ & numeratæ pecuniæ cum stipulatione contractûs coram Commissionem, concurrens & contrahens pro expectantia, usquè ad diem, quâ installabitur in dignitatem & officium, semper de summa depositata, ex fundo usufructuum proportionaliter quolibet elapso trimestri, quinque per centum annuè percipiet.

§. XXI.

Installato contrahente in dignitatem vel officium, eadem die cessant usufructus summæ depositatæ: & integro fruitur salario, ac pertinentibus accidentiis quamdiù vivit.

§. XXII. Per-

§. XXII.

Personaliter contrahens, si antè officij vacantiam occumbit, summam capitalem depositatam, per se, vel per suos hæredes Legatarios aut Successores repetere non potest, nisi post mortem, aut resignationem actu possidentis officium: & ejusdem officij collationem alteri factam, à quo hæredes, Legatarij, & Successores eandem summam repetendi jus habent, antequàm installetur. Interim præfati hæredes &c. annuo usufructu ad quinque per centum fruuntur, donec illis summa refundatur depositata. Quod si Principi gratis dignitatem aut officium conferre placuerit, ex tunc iisdem hæredibus &c. summam tenetur refundere.

§. XXIII.

Vitalitiè contrahens, si actuali officij Possessori præmortuus fuerit, tum de officio; tum de usufructibus jus habet disponendi. Hæres autem, Successor, aut Legatarius in jus defuncti primi acquirentis subintrat: idest ut usufructu annuo præscripto gaudeat, donec officij Possessor occumbat. Quo possessore è vivis sublato, si hæres, Legatarius aut Successor testamentariè nominatus; aut jure succedens, officij est capax, à die installationis integro paterno salario fruatur: de usufructu verò annuo nil ultrò percipit. Si verò incapax est, vel ob sexum vel ob ætatis defectum, uti fusiùs dicitur in Tract: de Juribus concurrentium, nec integro salario, nec usufructu gaudeat; sed ex fundo salariorum usquè ad ætatem capacem, & installationem in officium, ad proportionem summæ per primum acquirentem depositatæ, annuè sex habeat per centum.

§. XXIV.

Generationaliter & hæreditariè contrahentes iisdem Legibus & Regulis contrahentis vitalitij obligantur: & ejusdem privilegiis fruuntur.

§. XXV.

Si Successor & primus acquirens, qui vitalitiè, vel generationaliter, vel hæreditariè contraxit, ambo occubuerint antè officij vacantiam, tunc proximiori hæredi prout Patriæ sunt Leges, summæ depositatæ & usufructuum jus competat. Nam summa perennaliter ad familiam, officium verò pertinet ad personam. Ideò cum vitalitiè contrahentes in personis deficiant, nullum jus ultrò in officium habent. Hoc jus tamen conservant, qui generationaliter contrahunt usquè ad ultimum quartæ generationis post primum acquirentem: & illi, qui hæreditariè usquè ad ultimum lineæ.

§. XXVI.

Sub quovis titulo contrahentes eorundemquè hæredes ac Successores, summas capitales depositatas à Principe repetendi nullum jus habeant; nisi Princeps alteri officium contulerit, vel suppresserit: vel si datà officij vacantia, ad installationem & exercitium non admittantur, vel tandem si de iisdem capitalibus summis, antè vacantiam officij, sive durante incapacitatis tempore annuos non perceperit usufructus.

§. XXVII.

Summæ depositatæ pro tribus Classibus Notariatuum, nullo usufructu fruuntur. Attamen in fundum transeunt perennalem, uti cæteræ summæ. Ratio est, quod collato Notariatu, immediatè potest exerceri officium, & utilitas annua desumi.

✠ ) 40 ( ✠

# TRACTATUS VI.

*De Juribus Concurrentium & Contrahentium.*

§. I.

**A** Nimum ad dignitatum & officiorum expectantiam habentes, merita quocumque titulo sibi parva, virtutem, doctrinam, capacitatem & officia jam præstita, cum authenticis testimonialibus litteris Cancellariorum & Instantiarum, à quibus prætenfæ dignitates dependent, coram Commissione producere teneantur. Renuentibus verò Cancellariis & Instantiis, iusta & legitima testimonia extradere, ex tunc vel cum Regio & Archiducali rescripto habilitati concurrere possint, velcum attestationibus authenticis ac Juridicis per tres publicas ac fide dignas personas, de qualitatibus attestantes, muniti coram eadem Commissione, pro concursu se insinuent.

§. II.

Conditiones capacitatis & incapacitatis: habilitatis vel inhabilitatis, tum ob ætatem, doctrinam ac praxim, pro concurrentibus requisitæ, examini & præscriptioni Commissionis, nunc pro tunc, & pro tempore, juxta dignitatum & officiorum qualitates, committendæ censentur.

§. III.

Nemo ad concursum admitti potest, nisi qui in uno Regno aut Provincia promoveri petit, sit ex illo gradu, ordine, & statu, à quo vigore jurium municipalium, pro dignitate aut officio prætenso concurrere habilitatur. Absurdum quippè foret, ut Opi-fex Consiliarium, & simplex Nobilis cum profusione pecuniæ, supremum affectaret Capitaneatum.

§. IV.

Personæ juxta jura & pactata à dignitatibus & officiis exclusæ in uno Regno aut Provincia, concurrere non possint pro expectantiis ejusdem, nisi per Regium aut Archiducale habilitentur rescriptum: aut Statuum & Ordinum illius Regni sive Provinciæ interveniat consensus, coram Commissione in forma authentica producendus.

§. V.

Concursus contra Jura, statuta, ac privilegia Cancellariorum, pro Regnis & Provinciis constitutarum: & Dicasteriorum quorumcumque non admittatur.

§. VI.

Austriacæ Monarchiæ Vassalli & Subditi, in concursu præferantur exteris illis, qui sub eadem à decennio, vel alio termino præscribendo, incolatum non habent: cæterisque, qui publicum non exercuerunt commercium, & nunquam dignitates aut officia habuerunt. Exteri verò, qui jam sub eadem Monarchia dignitatibus & officiis donati & insigniti fuerunt, pares in concursu, cum Vassallis & Subditis æstimentur.

§. VII.

Cujuslibet Regni aut Provinciæ Lex municipalis, quæ omnes & quoscumque externos, illos scilicet, qui extrà Austriacam Monarchiam sunt nati, arcet à bonorum emptione & possessione, iisdem exteris dignitatum & officiorum pariter inhibet concursum; nisi Principis, vel Statuum & Ordinum consensus accedat: & hoc præsertim in dignitatibus ac officiis Politicis & Provincialibus.

§. VIII.

Exterus ad expectantias admissus, nomine exteri Successoris, hæredis, aut Legatarii, quamvis actu capax, contrahere non possit; ut post ipsius mortem in dignitatem

ratem

tatem vel officium succedat, nisi in vivis eundem Successorem, hæredem aut Legatarium coram Commessione præsentaverit. De summa verò capitali cum omnibus contrahere valeat.

§. IX.

Ad majorem superioris §. IV. explicationem declaratur, quòd indigena unius Regni aut Provinciæ, ad dignitates & officia alterius, absquè novo indigenatu ejusdem concurrere non possit, nisi à Principe dispensetur & habilitetur.

§. X.

A Sacro-Sancta Catholica & Romano-Apostolica Ecclesia ac Orthodoxa Fide alienis quicquè alterius sectæ sunt vel Religionis, tum à concursu, tum à contractu, tum à successione, tum ab hæreditate, tum à Legato, tum à cessione, tum à donatione, tum ab emptione ac venditione, tum à concambio dignitatis & officij penitus excluduntur, nisi specialis Suae S. C. R. Majestatis gratia intervenerit. In casibus verò, in quibus jura municipalia, pactata, pacificata, & concordata Regnorum ac Provinciarum hæreditariam, absquè discrimine Religionis, personas ad dignitates & officia admittunt, tunc iisdem jure &c. absquè ulla alteratione standum esse videtur.

§. XI.

Familiis & Personis actu possidentibus dignitates & officia in expectantiam reducta, datur jus præemptionis pro contractu vitalitio, generationali ac hæreditario ( prouti cuique dignitati convenire potest ) si concurrere voluerint.

§. XII.

Antequàm ad jura privati concursus procedatur, tria hic adducuntur principaliora capacitatis objecta, scilicet ætas, sexus, & tertio doctrina. Ideò ætatis incapacitatem, in dignitatibus & officiis, à quibus populorum regimen, sive administratio Justitiæ, vel securitas Patriæ dependet, supplebunt illi, quos Princeps arbitrariè voluerit substituere. Cùm autem incapax per ætatem, ut in prædicto Tractatu dictum est, non gaudeat nisi sex per centum de salario paterno, usquè ad tempus capacitatis & installationis; sic illi, qui pro supplemento erunt à Principe substituti, residuà parte salarij, & accidentiarum, quibus incapax frui non potest ( durante tempore supplementi ) gaudebunt. Si verò nulla supplendi necessitas aderit, ex tunc residua pars salariorum & accidentiarum ad publicum ærarium, usquè ad capacitatis ætatem deveniet.

His adjungitur consultius fore, ut pro supplemento incapacium, substituerentur illi, qui titulo honorario talis dignitatis, in quo suppleant, actu fruuntur. Ad hoc enim tituli honorarij instituti sunt. Sic præstaret, ut Consiliarius titularis pro reali Consiliariatu ad tempus suppleret, & ex hoc motivo præsertim, quòd Consiliarius titularis semper debeat esse actu capax, si supplere prætendit. Sic de reliquis.

§. XIII.

Pro officiis subalternis servilibus potius, quàm honorificis inconsultum non esset jus præsentandi capacem, concedere illis, qui nomine incapacis, expectantiam contraxerunt, vel testamentariè pro incapaci ob ætatem disposuerunt, dummodò præsentatus conditiones capacitatis præscriptas haberet. Potest enim contingere, ut pupillus incapax consanguineum, aut affinem, aut tutorem habeat capacem. In quo casu officium supplens ( detractis sex per centum annuis de summa depositata pro pupillo, vel incapaci ) residuà salarij & accidentiarum parte fruetur, quamdiù supplebit; nisi aliter inter se partes conveniant.

§. XIV. Cùm

§. XIV.

Cum expectantiæ vitalitiæ, generationales, & hæreditariæ utrumque sexum concernant, ut sapè dictum est: & non solum quoad summam depositatam, verum quoad jus in dignitatem & officium; sic si hæreditas, vel testamentaria dispositio summæ, & juris, in lineam fæmineam caderet præfatis regulis §. XII. & XIII. non secùs ac de incapacibus per ætatem standum esse videtur, donec fæmina capacem ducat.

§. XV.

Incapax per ætatem, si ad adultam devenerit, & incapax in doctrina ac praxi, per Commissionem declaratus fuerit, jus habeat per annum substituendi capacem, qui suppleat: quo elapso iterum coram Commissione pro examine se præsentare teneatur. Si fuerit approbatus, installatur, si verò reprobatus, in arbitrio Principis sit alteri ejusdem lineæ sive masculo sive fæminæ, jus dignitatis & officij conferre, quem noverit capaciorum per se vel per alium nubendo. Quod si linea, quæ habuit jus in dignitatem aut officium deficeret: vel ex actu viventibus cum utriusque sexûs habilitatione ad successionem & hæreditatem juris dumtaxat in dignitatem. Persona autem, quæ à Principis arbitrio jus sive vitalitium, sive generationale, sive hæreditarium, in dignitatem acquirit, summam capitalem alteri, qui jure dignitatis privatur, refundere teneatur. Quod si media deficerent, quinque per centum de suo salario & accidentiis eidem persolvat, donec totam summam deponeret: vel in prima persona aut linea jure suo privata, capax dignitatem & officium exercendi succedat. Interim persona, aut linea novo jure investita, jus dignitatis alienare non potest, nisi summam capitalem deponeret.

§. XVI.

Adulto incapaci, si nullus propriæ, vel alterius lineæ, consanguinitate aut affinitate etiam in remotiori gradu erit conjunctus, jus suum alteri vendere liceat. Quod si noluerit, in arbitrio Principis sit, alteri expectantiam conferre, præviâ tamen summæ capitalis depositione, & refusione reali.

§. XVII.

Incapacem adultum, etiam in secundo examine reprobatur, gratia Principis dispensare potest, ut per tertium officij muneri pro præscripto tempore satisfaciatur. Interim supplens detractis quinque per centum annuis pro summa capitali, residua salarii & accidentiarum parte de jure fruatur. Nec mirum videatur, si adulto incapaci quinque per centum solummodò pro summa capitali assignantur: & incapaci per ætatem aut sexum, sex annui pro usufructu determinantur. Nani minorennis præsumitur futurus capax per se, & fæmina per alium, capaci nubendo. Adultus autem jam judicatus est incapax officij, idè cum solo usufructu præscripto debet esse contentus; cum nulla in ipso detur capacitatis futuræ præsumptio.

§. XVIII.

Examen secundarium adulti incapacis, ex gratia Principis ad quinquennium & ultrò juxta placitum potest prorogari, donec per ulteriorem praxim capax reddatur.

§. XIX.

Non annuente Principe, ut tertius suppleat pro adulto incapaci: & consultius judicante, ut dignitatis aut officij exercitium suspendatur, donec eidem adulto incapaci capax ex propria familia succedat, tunc incapax adultus de summa capitali, quinque dumtaxat per centum ex fundo usufructuum annuè percipiet.

§. XX. Non

§. XX.

Non concurrentibus actualibus possessoribus, ad expectantias illarum dignitatum ac officiorum, quas & quæ actu exercent, pro prolibus aut familiis suis, pro concursu jus præemptionis habeant Seniores, qui sunt in actuali Suæ S. C. Regiæquæ Majestatis servitio: & illi, ad quos juxta ordinem proximæ aut consuetudinem Infantiarum, jus pertinere præsumitur promotionis, ut dicitur *Xang*; dummodò summas offerant depositandas.

§. XXI.

Si tales Seniores mediis erunt destituti: & evidentibus propriis meritis pleni, ex tunc ad concursum pro personali dumtaxat expectantia illius dignitatis aut officij prætensi, cum oblatione dimidiæ summæ taxatæ depositandæ admitti debere videntur. Quodd si hæc dimidia summa deficeret, ex tunc cum expectantiis Principi reservatis, ut in Tract: de Notandis §. III. dictum est, justum est, ut gratificentur.

§. XXII.

Advertendum, quodd Seniores in servitio, & in pecunia deficientes, si de propriis & evidentibus meritis constare fecerint, cum medietate summæ taxatæ ad concursum personalis expectantiæ dumtaxat admittuntur: Hoc tamen est, quaudò non datur concurrens, qui vitalitiæ, aut generationaliter aut hæreditariè contrahere velit. Nam in tali casu Senior prætendens concurrere non potest, quia aliud jus præemptionis non habet, nisi inter concurrentes pro personali expectantia. Promoveri tamen potest ex gratia Principis ad illas dignitates reservatas, ut dictum est in §. antecedenti.

§. XXIII.

Lex universalis præscribitur, ut pro personali expectantia concurrentes debeant esse actu, vel brevi futuri capaces. Hæc autem brevis absquæ gratia Principis, ultrà annum se non extendat, sive sit pro ætate, sive pro sexu, sive pro doctrina aut praxi.

§. XXIV.

Actu capaces requiruntur illi, qui titulis honorariis decorari prætendunt: & præsertim si ad supplementum pro incapacibus per ætatem admitti volunt.

§. XXV.

In expectantiis vitalitiis, generationalibus & hæreditariis, primus acquirens declaratur ille, qui cum Commissione, proprio nomine contrahit.

§. XXVI.

Primus acquirens, sive vitalitiæ, sive generationaliter, sive hæreditariè contrahat, vel debet esse actu capax, vel coram Commissione præsentare immediatum Successorem, aut hæredem, aut Legatarium actu capacem, qui exerceat, vel nomine proprio, vel nomine ejusdem primi acquirentis intrà annum à die contractûs, nisi Princeps terræ aliter dispenset pro incapacibus per ætatem: & actu capacem pro tempore, ac pro supplemento substitui permittat.

§. XXVII.

Concurrentes sub iisdem titulis vitalitiis, generationalibus, ac hæreditariis, si per sexum sunt incapaces, ex tunc maritum actu, vel infrà annum capacem debent præsentare, vel Successorem aut hæredem, aut Legatarium actu capacem, ut in §. præcedenti dictum est: nisi Princeps aliter dispensaverit.

§. XXVIII.

Præcedentibus regulis observatis, Parentes pro utriusque sexûs prolibus: Frater ac Soror major natu, pro Fratribus ac Sororibus minorennibus: Affinis pro Affine: Consanguineus pro Consanguineo: Patruelis pro Patruæle: & Tutor aut Tutrix pro Pupillis concurrere possunt.

§. XXI.

Capax pro capaci concurrens, cæteris concurrentibus præferatur: illis scilicet qui in actuali dignitate & officio non existentes concurrunt. Si verò in actuali officio quis existens pro capaci concurret, ex tunc hoc jus cesset præemptionis: & actu exercens præferatur, dummodò pacem, non verò incapacem præsentet Successorem &c.

§. XXX.

In concursu semper denominetur Familia, Linea, & Persona, pro qua concurrens contrahere intendit; cæterum non admittatur. Si verò fraus & dolus intervenierint, ipso facto nullus ac irritus sit contractus: & contrahens cum amissione dignitatis, officij, summæ depositatæ mulctetur: ac cum aliis pœnis Principi arbitrariis puniatur.

§. XXXI.

Expectantiam habentes quamcumque, vivente actuali possessore, in minimo quovis dignitatis aut officij exercitio sese immiscere non possint. Persona contrahens à die stipulati contractus usque ad diem installationis effectivæ, & donec in expectatam dignitatem aut officium subintret, titulo honorario & suæ expectantiæ competenti fruatur. Ejusdem autem Personæ familia in tali statu & conditione æstimetur; ac si persona expectans in actuali foret exercitio.

§. XXXII.

Quamdiù jus dignitatis vel officij in una Persona aut Familia stat, tamdiù ejusdem jus permanet pro titulo.

§. XXXIII.

Primus vel prima acquirens in favorem uxoris vel mariti, suorumque quorumlibet hæredum & Successorum, utriusque sexus, de summa capitali expectantiæ depositata, æquè ac de mobilibus ac immobilibus bonis, liberè testari & disponere possint: dummodò testamentaria dispositio, cujuslibet Regni aut Provinciæ juribus municipalibus semper inhæreat: & familiam jure successionis in summam capitalem, & in expectantiam non privet: & eandem summam capitalem à jure expectantiæ non separet. In casu enim, quod plures essent cohæredes, qui portionem suam supra summam capitalem percipere deberent: ex tunc in officium aut in expectantiam succedens, cohæredibus portiones exsolvere teneatur. Si verò nulli dentur cohæredes, qui jure succedant, à jure expectantiæ summa depositata nunquam possit separari, nec alteri testari aut legari, quàm hæredi.

§. XXXIV.

Testamentariè disponens de expectantia vitalitia, generationali aut hæreditaria pro Successore post ipsius mortem, præscriptis regulis, juribus, ac conditionibus capacitatis & incapacitatis stare teneatur: cæterum nullum sit testamentum. Ideò dato casu duorum hæredum aut Successorum, jure succedentium, aut institutorum, quorum unus sit capax & alter incapax per ætatem, in favorem capacis testator testari tenetur: nisi Princeps aliter dispensaverit.

§. XXXV.

Privilegium liberè disponendi primis acquirentibus supra concessum, ad eorundem Successores ac hæredes quoscunque (servatis servandis) se extendit.

§. XXXVI.

Omnes utriusque sexus primi acquirentes expectantias vitalitias, generationales, ac hæreditarias: eorumque Successores & hæredes, de summis depositatis Legatarios instituere non possunt, nisi termino contractus cum Commiissione expirato: id est durante

antibus illis generationibus, pro quibus fuit conventum, legare non licet; ne summa ad jus expectantiæ pertinens dividatur & separetur.

§. XXXVII.

Jus expectantiæ nemo testari, vel disponere, vel legare potest, nisi super illas personas, quæ ratione sui statûs, conditionis, aut professionis, dignitates ac officia hæreditandi ac per se exercendi sunt habiles & capaces.

§. XXXVIII.

Dotes & contradotes : Bona Paraphernalia, acquisita & castrensia : portiones Avitiæ paternæ ac maternæ, & quæcumque aliæ, super summas pro expectantiis depositatas, non secus ac super bona immobilia liberè possunt recognosci, & pro tempore vel perennaliter assicurari.

§. XXXIX.

Liberum cuique sit summam capitalem depositatam, unà cum dignitatis aut officij expectantia, alteri vendere, concambiare, cedere & gratis donare prouti libuerit, dummodò succedens cum Commissionis consensu admittatur : & præscriptis regulis servatis, capacitatis possideat qualitates.

§. XL.

Personaliter contrahentes de summis depositatis, uti suprâ dictum est, testari, disponere & legare possunt.

§. XLI.

Vendentes, concambiantes, cedentes & gratis donantes expectantias, non possint illas vendere, concambiare, cedere & gratis donare, nisi sub illo titulo, quo ipsi possident : & pro termino, pro quo cum Commissionem contraxerunt. De summis verò capitalibus, uti sæpè dictum est, juxta regulas præscriptas disponere valeant.

§. XLII.

Personalem, Vitalitiam, Generationalem, vel Hæreditariam habentes expectantiam cum formali contractu stipulatam, circa omnes dignitates & officia, pro quibus vacantiam expectant, cum actualibus possessoribus earundem & eorundem liberè possint convenire & contrahere, ut in actuale exercitium subintrent; si iisdem possessoribus ab exercitio se abdicare libuerit : & subintrantes in officium, sint actu exercendi capaces. His additis, ut à Sua S. C. R. Majestate, una pars resignandi, altera verò subintrandi, per Commissionem, Licentiam in scriptis obtineat.

§. XLIII.

Constans regula est, ne capax actu exercens incapaci sub quocumque titulo possit resignare absquè Principis consensu, & supplemento alterius.

§. XLIV.

In expectantiis vitalitiis & generationalibus, si semel expiraverit terminus primæ generationis in una : & quartæ generationis in altera post primum acquirentem, ultimus, in quo jus extinguitur expectantiæ, iterum cum Commissionem contrahere possit, & hoc non solum sub titulo eodem, uti primò possedit, sed sub alio prouti placuerit : nec ab aliis concurrentibus arceri possit, stante jure præemptionis, ab actuali possessu concesso, nisi præscriptæ desint conditiones.

§. XLV.

Qui semel pro personali expectantia contraxit : & in actuale exercitium subintravit, possit vitalitiè, generationaliter, & etiam hæreditariè contrahere, dummodò dignitas aut officium, contractum vitalitium, vel generationalem vel hæreditarium admittat.



eat. Si verò talis generis sit officium, quòd personalem exigat contractum, ex tunc possidens jus præemptionis habeat pro uno aut una ex sua familia aut stipite, dummodò in omnibus sit capax.

§. XLVI.

Ultimus, sive ultima illius lineæ, quæ hæreditariè contraxit, in defectu caducitatis & feminis, jus præemptionis & contrahendi habeat in favorem alterius lineæ proximioris sive remotioris prouti libuerit. Si verò hæreditariè contrahere de novo noluerit, liceat personaliter, vitalitiè aut generationaliter. Hoc addito, quòd si hæreditariè iterùm contrahere voluerit, novum Principis consensum impetrare tenetur, cujus vigore emanet compromissum, quòd durante tali lineâ, quæ de novo contrahit, dignitas aut officium, pro quo contrahitur, nunquàm suppetur.

§. XLVII.

Si antè exspiratum terminum initi contractus pro vitalitiis & generationibus expectantis, prima vel secunda, vel tertia generatio deficeret, tunc possidenti liceat alterum jure suo investire, pro tot generationibus tamen, quibus ipsi frui liceret.

§. XLVIII.

Primus acquirens & hæreditariè contrahens, si in propria lineâ, utriusque sexus successione privabitur ad aliam ejusdem stipitis lineam Consanguineam absquè novo Principis consensu expectantiam transferre possit. Consanguineâ verò lineâ non existente, ad affinitatis lineam privilegium se extendat. Hoc etiam intelligendum est, si successio in prima generatione post primum acquirentem deficeret. Si verò in secunda, tertia & quarta generatione talis successionis defectus contingeret, ex tunc ultimus vel ultima illius lineæ, in favorem alterius lineæ ultrà quintam generationem inclusivè post primum acquirentem, pro jure expectantiæ disponere non possit. Hæc verò quintâ generatione exspiratâ, novus Principis habeatur consensus, ut hæreditariè in hac secunda lineâ stabiliatur.

§. XLIX.

Spontè sub quovis titulo à jure expectantiæ, pro qua contraxerunt se abdicantes, nullo gradu & titulo indè fruantur, qui dignitati, aut officio resignato competere potuisset, nisi à Principe habilitentur. Si verò in actuali possessu & exercitio dignitatis & officij per biennium saltem fuerunt, tunc etiam si se abdicaverint, titulis & gradibus, quibus primò fruebantur, liceat omnibus uti.

§. L.

Regulæ generales, & jura concurrentium ac contrahentium, concurrentes etiam pro Notariatus obligant; & præsertim si personaliter contrahant cum jure exercendi. Qui verò per substitutos exercere volunt, à regulis & juribus excipiuntur, quæ capacitatem actu requirunt. Præscriptas tamen capacitates conditiones, substituti habere tenentur. Pro quo notandum, quòd omnia Dicasteria, districtus, Comitatus, Civitates, Magistratus, Instantiæ & Dominia terrestria quæcumque pro Notariatus sibi competentibus, & pro, jure substituendi capacem, concurrere possunt, & quidem cum jure præemptionis.

§. LI.

In casu læsæ Majestatis, Notæ infidelitatis, aut alterius cujuscumque criminalis delicti, pœnam capitalem aut personalem, vel bonorum jacturam, vel multam pecuniariam jure promerentis, tum summæ capitales depositatæ, tum jus in expectantias, tum dignitates actu possidæ, tum officia actu exercita, & sub quovis titulo contracta, sive acquisita, sequestro,

con-

confiscationi, ac jacturæ, non secus ac cætera bona mobilia & immobilia subjaceant, juxta  
cujuslibet Regni aut Provinciæ hæreditariæ jura municipalia, statuta, ac approbata  
consuetudines. Attamen in talibus casibus, si possessor vel de jure expectantiæ, vel de  
dignitatis aut officij jactura convincitur & condemnatur, jus expectantiam conferendi,  
ac pro ipsa contrahendi cum concurrente, nullatenus ad Instantiam devolvitur, sed ad  
Principem redit. Summæ verò depositæ, si finali confiscationi adjudicentur, prouti  
jura sonant distribuuntur.

§. LII.

Dotalia jura, si super jus expectantiæ, & super summam depositatam sint assecurata, ac  
hypothecata, in casu criminis semper intelliguntur excepta, nisi uxor pro marito se obliget.

§. LIII.

Propter debitam, nemo jure expectantiæ, vel actuali possessu ac exercitio digni-  
tatis sive officij, pro quo semel contraxit, possit privari. Pro debitorum autem exso-  
lutione, summæ depositatæ extrahi non possunt, earundem tamen annui usufructus pos-  
sint sequestrari, & pro integra satisfactione creditoribus præstanda, adjudicari.

§. LIV.

Apud Forum & Instantiam, à qua quisque dependet, in casu criminis stat judi-  
cium cuiuslibet, qui jure expectantiæ fruitur. Si verò nulla erit pœnam sanguinis inflig-  
gendi facultas, Sux S. C. R. Majestatis arbitrio remittitur. In casu verò debitorum &  
negligentiæ in dignitatis ac officij exercitio deprehensæ, judicium penes Commissionem  
standum esse censetur.

## TRACTATUS VII.

### *De observationibus Contractuum.*

§. I.

**D**E nullitate vincitur cuiuslibet expectantiæ ille contractus, nisi contrahens ultra  
summam depositandam, in sua respectivè Cancellaria cum publica tum privata, à  
qua dependet, legalem & consuetudinariam taxam, cum omnibus juribus pertinentibus  
præviè persolverit: & in eodem contractu realis exsolutio, cum ejusdem Cancellariæ  
testimonialibus authenticis inferatur.

§. II.

Nullius roboris, firmitatis, validitatis, aut publicæ fidei in judicio sit ille con-  
tractus pro expectantiis, dignitatibus, & officiis initus, qui per institutos Commissionis  
Notarios, ut in Tract. de Iustitu: Commissionis §. XXII. dictum est, cum interventu  
partium, per se vel per Procuratores legitimos, non erit formatus, stipulatus & au-  
thenticatus, coram Commissione & cum ejusdem scitu.

§. III.

Absquè reali numeratione summæ depositandæ: & absquè ejusdem summæ effe-  
ctiva receptione, coram Notario Regio vel Archiducali, per Sux S. C. R. Majestatis Offi-  
cialem deputandum, in publicum ærarium reponendæ, nullus unquam cum Commissio-  
ne pro expectantiis, sive pro dignitatibus ac officiis concludatur, firmetur, stipuletur, vel  
authenticetur contractus: & aliter factus nullius sit valoris, nisi in casibus inferius exci-  
piendis.

§. IV.

Si Princeps expectantias dignitatum & officiorum reductorum primis primò con-  
currentibus conferendo, gratis summam depositandam, vel partem ejusdem remittere vol-  
uerit,

luerit, ex tunc ejusdem Principis quantitas pro reali pecuniæ enumeratione acceptetur, & in contractu inferatur.

§. V.

Sub titulo realis enumerationis pecuniæ: & sub titulo effectivæ receptionis, intelliguntur omnes illæ summæ jam liquidatæ, quas à Principe vel ab ejusdem Cameralibus Dicastriis quisque in particulari præten- dit, ac justè percipere debet, & pro quibus assignationem desuper habuit: dummodò tales summæ præten- sæ proveniant, vel à sti- pendiiis promeritis, & non exsolutis: vel à pecunia Principi mutuo concessa: vel à mer- cibus, & mercimoniis cæterisque in natura pro causa comuni subministratis: vel ab anticipationibus aut summarum depositionibus sub nomine *Darlehen* aut quocunque alio factis. Unde contractus erit validus, si loco summæ depositandæ, liquidum creditur per Commissionem acceptetur: cum hac tamen conditione, ut in contractu tum sum- ma præten- sa, tum ejusdem liquidatio, ac assignatio inferatur.

§. VI.

Si quis expectantiam suam alienare vel dividere voluerit, & pro summa capitali depositata, refusionem cum reali enumeratione pecuniæ ab emptore invenire non pote- rit, ex tunc cum bonis mobilibus, immobilibus ac cum fundis sub titulo pignoris, hy- pothecæ, aut perennali, prouti libuerit contrahere & concambiare: dummodò alienati jura municipalia, vel præviæ testamentariæ dispositiones non obsint.

§. VII.

Jure præemptionis fruenter, & de dignitate aut officio cum aliis, sub quovis ti- tulo etiam gratuito contrahentes, pro illo jure præemptorio duo per centum de summa depositanda sive depositata, in actuali contractûs stipulatione, toties quoties contrahent, Principi exsolvant. Cæterum nullus sit contractus.

§. VIII.

Qui pro expectantia personali contraxerunt cum Principe aut cum Commissione: & cum actuali possessore contrahunt, ut in actuale exercitium subintrent, de summa de- positata duo per centum pro Principe superaddant.

§. IX.

Personalem expectantiam acquirens, si tædio prorogatæ vacantia affectus, alteri vendere, dare, cedere, aut resignare voluerit, tunc ad duo per centum semel Principi exsolvenda, in contractu obliget successorem.

§. X.

A vitalicia expectantia si quis se abdicaverit, cum aliis quomodò libet contrahen- do, tunc de summa depositata, per primum acquirentem tria & per Successorem duo per centum Principi exsolvantur.

§. XI.

Si exspirato contractûs termino pro expectantia vitalicia, vel etiam antè hæredes & legitimi Successores illius Familia & Lineæ, ad novum terminum vitalitiû exspirantem, vel jam exspiratum contractum prorogare voluerint, tunc toties quoties iidem hæredes ac Successores Legitimi cum Principe contrahent, una cum taxa pro jure præemptionis præ- scripta, tria per centum Principi exsolvent, nullâ ulteriori depositatâ summâ capitali.

§. XII.

Generationalem expectantiam aliis vendentes, cedentes, resignantes & quocum- que modo alienantes tempore contractûs, si sint primi acquirentes, quinque per centum Principi pendant: si post primum acquirentem, prima & secunda generatio contraxerint, tunc



tunc quatuor per centum exsolvant: si verò tertia, tria per centum, si autem quarta, duo dumtaxat per centum Successor pro Principe superaddat.

§. XIII.

Ante vel post expiratum terminum generationalis expectantiæ, si pro nova generationali expectantia Possessores ac Successores contrahere de futuro voluerint, tunc una cum jure præemptionis, sex per centum de summa depositata Principi tribuant, nullâ ulteriori sumâ capitali depositatâ: & si inde pro hæreditaria expectantia contrahere placuerit, libere liceat. Quod intelligendum etiam post contractum personalis & vitalitiæ expectantiæ. Quin imò ab una ad alteram Classem concurrere poterunt: & summa semel depositata pro una expectantia, inserviet pro altera, addito supplemento illius quanti juxta præscriptam proportionem & depositionem requisivit.

§. XIV.

Quoties primus acquirens pro expectantia hæreditaria cum aliis contraxerit, ut à lineâ propria alienetur: & ad alteram ejusdem sive alterius stipitis aut familiæ lineam transeat, tunc ultra fixum terminum centum annorum in favorem Successoris contrahere non possit: & pro contractu stipulando, de summa depositata sex per centum, prout conventum fuerit, ab emptore vel venditore pro Principe exsolvantur. Familia verò contrahens, quæ successit, & actuali possessione expectantiæ fruetur, contractum cum Principe quolibet quinquagesimo anno ratificare teneatur: & eidem sex per centum exsolvere. Quæ regula constans erit, ut familiæ, quæ hæreditariè contraxerunt, quibuslibet quinquaginta annis cum Principe iterum contrahant, & sex per centum semper exsolvant.

§. XV.

Possessores expectantiarum hæreditariorum, post primum acquirentem jus dignitatis alienare non possint. Ultimus tamen vel ultima lineæ, habito Principis consensu, ad aliam lineam prouti libuerit, transferre possit. In quo casu linea succedens decem per centum de summa depositata Principi superaddet.

§. XVI.

Dispensante Principe, ut Possessores hæreditarij post primum acquirentem, jus expectantiæ alienare possint, ex tunc servetur regula §. XIV. præcedentis, & pro eodem Principe, de summa depositata duodecim per centum superaddantur in augmentum.

§. XVII.

Regula generalis hæc est, ut quando quis installatur in dignitatem vel officium, sub quacumque expectantia contractum, unum per centum, absquè Cancellariæ taxa, semper Principi pendere debeat. Pro quo statuitur, ut Successores & hæredes, quamvis contractum ratificare de generatione in generationem non teneantur, tamen ad installationem suscipiendam sunt obligati.

§. XVIII.

Declaratur, quòd qui in jus expectantiæ, ex lineâ conventa jure succedunt, contractum quidem ratificare non tenentur: attamen si hoc jus ad aliam lineam proximiorē aut remotiorē, aut ad totaliter alienam, vigore dispositionis testamentariæ, & etiam gratuitæ donationis, sive recognitionis transferretur, ex tunc semper est renovandus contractus, & illud quantum præscriptum Principi semper exsolvendum.

§. XIX.

Hæres exterus sive jure succedat, sive sit testamentariè nominatus, si pro jure expectantiæ à Principe dispensatur, contractum renovare, & decem per centum de summa de-

depositata, Principi superaddere teneatur, etiamsi vitalicia, vel generationalis & expectantia.

§. XX.

In casibus hæreditatis ac successionis pro decedentibus ab intestato, cujuslibet Regni aut Provinciæ jure municipalia observentur: his additis ne in renovationibus contractuum præscriptis, Principis jurisdictio lædatur.

§. XXI.

Ad contractuum inviolabilem observantiam manutenendam, omnes lites, quæ nunc & in futurum ac in perpetuum pro jure expectantiarum ac summarum oriri poterunt, coram Commissione seu Dicasterio delegato dirimi & decidi necesse est. Processus autem per Notarios Commissionis eum libellis formari debere censetur.

§. XXII.

In contractibus semper erit insertus locus & fundus undè percipienda sunt salaria, & usufructus. Nec quis alibi poterit assignari, nisi super fundos illius Regni aut Provinciæ, in quo vel in qua jus habet expectantiæ. Assignationes autem particulares fient per Commissionem, ut in Tract. de Institutionibus liquidationis §. XIV. dictum est.

§. XXIII.

Cùm possibile non sit omnes casus futuros prospicere, & decisionem præviam desuper dare, consonum justitiæ videtur, ut partibus in litem attractis, jura cujuslibet Regni aut Provinciæ hæreditariæ municipalia debeant suffragari, non secus ac si de bonis mobilibus & immobilibus ageretur, quandò casus vigore harum regularum resolvì non possint.

§. XXIV.

Notariis Commissionis, Proto-Notariorum titulus concedi posse censetur. Quorum dependentia à sola Commissione, & exemptio ab omnibus aliis instantiis necessariò requiritur. Nec illis alia officia subire, aut apud alias instantias agere vel sollicitare, vel sedere licebit. Eorundem verò salarium & emolumentum in contractibus formandis, arbitrio Commissionis remittitur.

§. XXV.

Finaliter omnes expectantiarum contractus, ac pro iisdem manutenendis pronuntiatæ sententiæ, nullius sint valoris, roboris aut firmitatis, absquè subscriptione & firmatione Sux Sacræ Cæsareæ Regiæquæ Majestatis, pro cujus Austriacæ Monarchia, ut vivat & perennet, hoc opusculum in lucem est editum: & in cujus plenaria dispositione suorumquæ hæredum ac Successorum in perpetuum erit dignitates & officia redimere quocumque titulo sint conventa, dummodò summas depositatas restituat. Undè in contractibus semper hæc clausula finalis inferetur, cæterùm nullius sint valoris.

C O N C L U S I O.

Quæ in hoc expectantiarum projecto desuper scripta sunt, simplicis opinionis vim habent: & si fuerint approbata, in regulas legales poterunt reduci. Interim (dato quodd acceptetur) si tanta utilitas non prodibit, quantam Monarchiæ necessitas exigit, sciat quisque, quodd ex fodinis etiam uberioribus, pura quidem metalla, sed mixta cum impuris extrahimus. Ibi per ignem, hic autem per sedulam applicationem omnia solvuntur & separantur, ut ex difficultatum scoriis, Aurum & Argentum prodeat desideratum.

F I N I S.





